



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com



TAPAK 7

CMT Music Awards 2017 nung Keith Urban-i sempet timba angu

TAPAK 9

2019 election atema opposition party tem longjemer: Sachin Pilot

VOL. XIV NO. 232 (ADOK 232)

DIMAPUR

SATURDAY

JUNE 10, 2017

5.00

NSCN-K tanishisang SS Khaplang süogo



Dimapur, June 9 (TYO): Nationalist Socialist Council of Nagaland (Khaplang) tanishisang SS Khaplang Hokolbarnü alima nungi pilaogo.

Pa arishi küm 77 nung lia Taka, Council Headquarters

(CHQ), Myanmar nung asü. Mapang talangka pa temang manemi dang lia aru aser iba jagi pai telok asoshi mapa balala meinyakteti liasü.

SS Khaplang ya Myanmar kübok Waktham yimtsüung nung 1940 küm aso. 1964 küm pai Naga Defence Force tentet aser iba sülen Eastern Naga Revolutionary Council nung chairman aküm. Pa ya Myanmar nung Hemi Naga kin nungi liasü.

(Maneni tapak 12 nung...)

Nagaland den arrtsü anasa 'night curfew' alitsü

Dimapur, June 9 (TYO): Assam kübok Nagaland den arrtsüa aliba tesemtem nung maneni Night Curfew alitsü ozüung agütsür ta Addl. District Magistrate, Sivasagar, Assam-i sangdong ka nung metedaktsü.

Sivasagar district nung Nagaland den arrtsüa aliba kilometre 5 telongtet nung nikongdang 6:00 ako

nung anepdang 6:00 ako tashi nisung, telok mesüra garitem senzüsü memelar, ta Addl. District Magistrate-isa ashi.

Iba tenokdangba ya May 19, 2017 nungi tenzük aser maneni anogo 60 tashi alitsü. Ajsüaaka, sepaitem aser ketdangsertembo tenokdangba kübok maitdaktsür, ta paisa shisem.

Congress-i by-election magizüker

Kohima, June 9 (TYO): Nagaland Pradesh Congress Committee (NPCC)-i state nung by-elections magitsüla ta sangdong ka ajanga metedaktsüogo.

Taküm May 24, 2017 nü State Lotteries & Music Task Force Parliamentary Secretary, Khriehu Liezietsu-i tebu aser tang teinyakdak Chief Minister Dr. Shurhozelie Liezietsu nem lenmang lapokja pa menden nungi anena liasü.

Khriehu ya Northern Angami-I Assembly Constituency nungi MLA liasü aser iba constituency nung by-election agia Dr. Shurhozelie-i State Assembly nung züngsem akümtsü atema menden toktsü.

Yashi AICC Legal Secretary den asüngdangya asüba sülen Election Commission of India (ECI) dangi shidi ka züluogo, ta NPCC Media Cell-i sangdong ka nung metedaktsü.

Representation of the People Act of 1951 nung Arrla 151-A

nung shia aliba agi, inyaktsü kümsük nung küm ka majung dang lira, by-election agitsü nüngdak madoker. Nagaland Legislative Assembly indang kümsükji March 12, 2018 nung tembangtsü aser aji ita 8 dang anünga lir, ta NPCC-isa ashi.

India nung Presidential Election July mesüra August nung agitsü lir, aser Nagaland nung by-election ji iba sülen ang agira aser ano State General Election atema code of conduct ji taküm December tatemlen nungi tenzükra, sorkar mapa inyaktsü atema ita pezü jungnüa dang adoktsü. Maneni, Constitutional maparen inyaktsü atema anogo ka session dang agitetsü. Anungji nung opposition teloktem atema by-election ji nüngdak madoker, ta NPCC-isa shidi nung metedaktsüogo.

Deputy Election Commissioner, Umesh Sinha-i iba onük ya ECI den benoka olemteptsü ta shiogo, ta parnokisa shisem.

2018 tashi nung Nagaland Open Defecation Free State akümtsü

Kohima, June 9 (TYO): Public Health Engineering Department (PHED) Minister, Chotisuh Sazo-i ashiba agi, "Sangküm küm tetenzüklen Nagaland ya Open Defecation Free (ODF) state ka ta sangdongtsü."

Kohima nung Angami Mechü Krotho (AMK)-i ayongzükba 'Sanitation Workshop for Women Leaders' nung jemdidang, Chotisuh Sazo-i iba osang metedaktsü.

Iba maparen atema mezüngbuba shilem nung Nagaland district 11 kübok trok nung taküm July ita Open Defecation Free (ODF) ta sangdongtsü. District trokji Dimapur, Kiphire, Longleng, Mokokchung, Phek aser Zunheboto lir, ta paisa shisem.

"Centre-i tenzükba Swachh Bharat Mission kübok Nagaland state nung metsümeshidak 2,62,939 yanglutsü aliba nungi 2,11,723 yangluogo. Ibaji kilen noklang nung shilem 80.52 shi lir" ta Minister-isa metedaktsü.

Sangküm küm tetenzüklen tashi nung ODF Nagaland kümdaktsütsü atema ano

teinyaktsü aika lir. Asenoki yimyatsüya benshia arubatem melenshitsu atema inyaktsüla, ta paisa shisem.

Centre sorkari Swachh Bharat mission kübok October 2, 2019 tashi nung linük ajunga ODF kümdaktsütsü atema alizüung lir. Mahatma Gandhi sor küm 150 ajungba tasoba anogomung nung India kübok yimtsüung tia nung aliba tesemtem nung, sen crore lakh 1.96 endoka metsümeshidak million 12 yanglutsü alizüung lir, ta Sazo-isa metedaktsü.

Nija, telok ka mesüra lokti indang metsümeshidak yangluba ajanga linük nung moapu nung sü kozüba inyakyim anendaktsütsü atema iba mapa inyaker. Anungji, iba mapa ya sorkari kijai masü saka NGOs aser civil society temia yaritepa inyaktsüla, ta paisa ayongzük.

PHED Minister-isa asen temang nung tashidaktem den raratsü atema tzü tajung ajemtsü indang tayongzükba agütsü.

Tzü peria ajemba ajanga asen mang nung tashi agütsür, anibelem agentsür, temang seret touzük ajema akümba

ajungkettsür, toxins endoktsür, teküp tajungba kümdaktsür, immune system tashi idaktsür aser ano teyari aika agütsür, ta Sazo-isa shisem.

Sentong nung PHED Chief Engineer Kevisekho Kruse-ia o jembidang, iba ama workshop ajanga teküpoktiba jenjang nung aliba tetsürtem dang merükmejua alitsü tesayuba tajung agütsütsü imlar, ta ashi.

Sentong nung mendenji AMK tir Ruokuoheü Miachio liasü, SFS Kohima Parish Priest Rev. Fr. Alex Vizo-i temoatsü meshia sarasadem, Keneisedenuo Zatsu-i ken ka aten aser AMK general secretary Kevinguno Meyase-i anküp tepela o jembi.

Sentong nung Water & Sanitation Support Organization(WSSO) Director, PHED, K G Sumi-ia o jembi aser AMK Advisor Salhoutuonuo Kruse-i "Sanitation and good sanitary practices" aser Kohima College Vice Principal, Thinuokhriehi Tsiekha-i "Waste Management" onüktem indang workshop agi.

DUP teyari agia sorkar akümtsü: Theresa May

London, June 9 (TYO): Democratic Unionist party teyari agia sorkar akümtsü ta Britain nung Conservative Party lennir Theresa May-i tanü metedaktsü.

Tanü May-i Buckingham Palace semdangba sülen osangbener den sensaksemdang, lar teloki menden 8 agi 'majority' mengutetaka, sorkar akümtsü atema temeten lir, ta ashi.

Ajsüaaka, külen Labour party-

ia parnoki ang chichiba takokji angu ta metedaktsüogo.

Theresa May-i sorkar kümteta ketdangtsüa aotsü atema aaka bilemstüla, ta parnokisa ashi.

Parliament nung Conservative Party-i menden 326 nung takok angu nungdang 'majority' angutsü, saka menden 650 nungi 649 result adokba nung, parnoki 8 agi 'majority' mangu. Iba jagi parnoki DUP teyari agi nungdang

sorkar kümteta otettsü.

Elections sülen cabinet reshuffle nung cabinet minister pungubo mapa memelenshitsu ta osang angazüker. Parnok punguji, Defence Secretary Sir Michael Fallon; Brexit Secretary David Davis; Home Secretary Amber Rudd; Chancellor Philip Hammond aser Foreign Secretary Boris Johnson nungertem lir.

(Maneni tapak 12 nung...)

Mkg D.C bungalow kima süngkong ka chiteta ayu



Mokokchung D.C Sushil Kumar Patel IAS-i Mokokchung D.C Bungalow nung süngkong tasen ka lapoktsür külen Ao Senden ketdangpur aser Dobashi-tem külemi noksa nung angur. Mokokchung, June 9, 2017.

Mokokchung, June 9 (TYO): Mokokchung D.C Bungalow kima süngkong tasen ka Hogulabarnü Mokokchung Deputy Commissioner Wb. Sushil Kumar Patel IAS ajanga meraketa lapoktsüogo. Iba süngkong ya Mokokchung District Dobashi-temi

achayanga yangluba lir.

Iba süngkong lapokja Sushil Kumar-i jembidang, akhi tsürabur tendak süngkong ajanga tejashi, tepela aser mapang balala nung osangtsüsangtem sangdong, iba ama sobaliba tajung ka tarutsü lanu putu asoshi wazüka ayutsübaji kanga nüngdaker, ta ashi.

Taoba mapang tensa tia balala nung iba süngkong atemdang nüburtem lungjema atenshiba ama tanüa Naga lima nung telungjem nüngdaka lir, ta paisa tayongzükba ka agütsü.

Naga nungerji tangar dang nungi libaliru aser sobaliba balaka ta ajiteta ibaji benshia aser wazüka ayutsü asoshi India temzüng nunga Arla balala inokja lir, iba ama arla balaka inoktsübaji India lima aika nung mali, ta paisa ashi.

Aji oda, tesüiba ya kanga tongtibang lir, tesüiba otsü meteni tang aser tarutsü renloka aotsübaji tasak asütsü, ta paisa sobaliba wazüka ayutsü ajungshia liasü.

Süngkong ama akhidang amshiba oset yagi rali-walir aser alima penzüa senzürtem asoshi tepuatsü mapa tajung ka asütsü imlar, ta paisa ashi.

(Maneni tapak 11 nung...)

TANGATETER
OCHISHIR

JAKLA TAJUNG AKETBA

ASER

NÜBORTEM DANG KANGA MEIMBA

NISUNG NEM

VOTE AGÜJANG





Kohima, June 09, 2017: Hokolbar anepdang Nagaland Tribe Council (NTC) züngsemtemi Nagaland Civil Secretariat nung Nagaland Chief Minister, Dr. Shürhözelle Liezietsu ajuruba pa indang office chamber nung tangokba noksa nung angur.

Nagaland nung June 12 nungi June 24 tashi IDCF akatsü

Kohima, June 09 (TYO): Nagaland nunga linük den jangyu medema June 12 nungi tenzüka June 24, 2017 nü tashi Intensified Diarrhoea Control Fortnight (IDCF) akatsü.

Hopta ana tashi iba sentong akaba nukjidong ya, tanur asüdang tebok aoba (diarrhea) ajanga tanur ka danga mesüdaktsütsü atema lir.

Iba nukjidong ya ORS aser Zinc agi arishi küm 5 ser tekübok tanur aika ayimjemtsü atema lir, aser talisa ibaji tongtibang tesemtem aser iba tashidak agi tamajungba kongshiba tesemtem nung rangloker inyaktüsü.

Tanur rongnung diarrhoea tashidak ajanga arishi küm 5 ser tekübokpur aika asür, aser item züngar asürtem shilem 11 bo iba tashidak ajanga asür, ibayongji linüki iba tashidak anema

rangloker inyaker. Department of Health & Family Welfare (H&FW) den Allied Department- PHED, Social Welfare, Education, Indian Association of Pediatric Nagaland Branch (IAP-NL) aser Naga Mothers Association (NMA) ama CBOs/ NGO temi school tem nung teka junga metsükba yimya sayutsü, ORS depot atema Anganwadi Centers aser anganwadi ajanga diahorrea agi shiranger arishi küm pongu ser tekübokpur jangjatsü.

Department-isa PHED dang School tem, Anganwadi Center tem aser Health Units nem tzu temerük aser tzu tajemtsü tajung agütsütsü atema metetdaksüogo.

Linük nung küm shia diahorea ajanga tanur lakh 2 shi asür, aser iba tashidak ya talisa tatsü mongpu aser tzungluruwa

mongpu nung pokteter.

Iba tashidak agi tamajungba kongshibapurtemji, arishi küm 2 ser tekübokpur lir aser chiyungtsü agi matuba purtem lir.

ORS (Oral Rehydration Solution) agütsüba aser Zinc tablets den chiyungtsü tajung agütsüba ajanga iba tashidak nokdangteter aser aneper.

Iba dak sendakba nung National Health Mission, Nagaland-i arishi küm 5 ser tekübok tanur aliba kibong shia dang hopta ana mapang nungji item angati service agütsü metetdaksüogo. Arishi küm 5 ser tekübok tanur alir kibong shia nem ORS packet kaka aser Diarrhoea agi shiranger shia nem ORS aser Zinc dena agütsütsü.

Osang tejangja metetpelatsü atema anasatiba Health Units mesüra ASHA den tongteprateptsü akok.

NBCC-i HSLC aser HSSLC Toppers nem tetushi agütsü

Kohima, June 09 (TYO): NBCC indang School Education Ministry-i ayongzüka Nagaland Baptist Church Council den affiliate süa aliba school tem nungi HSLC aser HSSLC toppers 2017 nem tetushi agütsüba sentong ka June 9, 2017 nü Platinum Hall, NBCC Office nung agiogo.

Iba sentong ya Kr. Khrievino Sahu leniba nung agi aser School Coordinator, NBCC Rev. Dr. Mechiehol Savi-i tesentepertem pelaa agizük.

Sentong nungsa topper asem- Kr. Vikuokhono Lhousa, Sp. Elozüo M Saprüna aser Kr. Atna I Awomi nungeria o tatsütsü jembia liasü.

Sentong nungsa NBCC male voice teloki ken ka aten

asur General Secretary, NBCC Rev. Dr. Zelhou Keyho-i tajungshi o jembi.

School Board Chairman, Keviseto-i toppers nem certificates lema agütsü aser Director SCERT, Khrietuo Mezür-i takok angurtem ayongzüka den külemi tarutsü nunga takok angutsü ajungshia liasü.

NBCC affiliate school tem nungi topper temji- Vikuokhono Lhousa (Rank 16, HSLC), Baptist High Kohima; Elozüo M Saprüna (Rank 1, HSSLC-Arts), Ministers' Hill Baptist Higher Sec. School Kohima; Paulami Sen (Rank 2, HSSLC-Arts), Christian Higher Secondary School Dimapur; Roseline Pojar (Rank 3,

HSSLC-Arts), Ministers' Hill Baptist Higher Sec. School Kohima; Nühüvolü Chüzho (Rank 4, HSSLC-Arts), Ministers' Hill Baptist Sec. School Kohima; Lanukaba (Rank 5, HSSLC-Arts), Christian Higher Secondary School Dimapur; Vietelo Arüji (Rank 6, HSSLC-Arts), Ministers' Hill Baptist Higher Sec. School Kohima; Rüyihülü Cükhamu (Rank 9, HSSLC-Arts), Ministers' Hill Baptist Higher Sec. School Kohima; Rülelevelü Cükhamu (Rank 10, HSSLC-Arts), Ministers' Hill Baptist Higher Sec. School Kohima aser Atna I Awomi (Rank 2, HSSLC-Commerce, Christian Higher Secondary School Dimapur) nunger liasü.



Kohima, June 09, 2017: Hokolbarnü AMK building, Kohima nung tetsür lenirtem atema Sanitation Workshop tenzüka sentong nung Minister Chotisüh Sazo, Chief Engineer Kevisekhok Kruse, WSSO Director K V Sumi aser AMK ketdangsertem adenba noksa nung angur.

ANCSU senden ayonger

Kohima, June 09 (TYO): ANCSU, Mughato V June 23, 2017 anüngdang 11:30 ako nungi Kohima College, Kohima nung 2015-17 küm atema All Nagaland College Students Union (ANCSU) 5buba Union Assembly alitsü, ta tanü Speaker U/A,

Yephthomi-i sangdong ka nung metetdaksü.

Iba senden nung affiliated units aser associate college ajak nungi züngsem anana arua adentsü metetdaksür, ta sangdong nungsa shia lir.

Kohima nung World Day against Child Labour amungtsü

Kohima, June 09 (TYO): June 12, 2017 anüngdang 11:00 ako nungi APO Hall Midland, Kohima nung 'In conflict and disasters, protect children from child labour' omen nung ajemdaker International World Day against Child Labour amungtsü, ta sangdong ka ajanga metetdaksü.

anema inyaker.

Taküm World Day against Child Labour anogomung nung rara aliba tesemtem aser lendong aliba tesemtem nung tanurtem mapa inyakdaksüba ajanga tanurtemi timtem ajuruba nung rangloker amungtsü.

Alima den tsüngkang medema Labour department den Child line Kohima-i iba anogomung nung tanurtem nem shilem agidakja sentong balala ayonga akatsü.

Iba anogomung nungsa sticker campaign den IEC materials lemstütsü.

Iba dak alia jila nung tesem balala nungi jajaa APO Conference Hall, Kohima nung adenshir tembangtsü.

Mangkolemba nung SBI ATM lapoktsü



June 09 nü Mangkolemba jila nung ADC, Mangkolemba, T. Imtiwapang Aier-i tang mezüng SBI ATM lapoktsüba noksa nung angur.

Mokokchung, June 09 (TYO): June 09, 2017 nü Mangkolemba Sub-Division nung mezüngbuba SBI ATM Additional Deputy Commissioner, Mangkolemba, T. Imtiwapang Aier-i lapoktsüogo.

Iba sentong nung tetushi tejaokerji Assistant General Manager, Regional Branch Office, Mokokchung Zone, Lalkholum Hangsing liasü, aser kasa sentong nung Adhoc Town Committee züngsemtem, Ward Chairman tem, Gaonbora tem aser Dobashi tem aden.

Sentong nung jembidang

ADC-i, jila nung kanga nüngdaka aliba ATM lapokba ajanga Mangkolemba jila nüburtem ajangzüksü aser Mangkolemba Sub-Division nübura ajak ajangzüksü, ta metetdaksü.

Paisa nüburtem dang banking facilities amshiba ajanga Mangkolemba jila nung banking system ajungkettsütsüla, kechiyong ibaji ajanga tarutsü nung ano maongka tajungba angutsü, ta metetdaksü.

Mangkolemba Town Baptist Arogo Pastor, Dr. Akok Amer-i sarasademba sülen iba ATM lapokja liasü.

Treasury officer, Zunheboto sangdong

Dimapur, June 09 (TYO): June 30, 2017 tashi agütsü, Treasury Officer (TO), Zunheboto, Aboto H. Zhimomi-i sangdong ka ajanga pensioner tem aser ketdangsertem dang, pension atema physical verification June 15 nungi

ta metetdaksü.

Anungji Zunheboto Treasury nungi pension agir pensioner ajak dang iba mapang nung verification agütsü atema metetdaksür, ta sangdong nungsa shia lir.

Assam Police-i ketdangser 26 indang handwriting samples bendentsü

Guwahati, June 09 bushisü dangtsü atema ketdangsüa agiba Assam (Agencies): Assam Public handwriting samples bendena Combined Competitive Service Commission (APSC) alibaji APSC tatidang answer Examination indang answer nung mapa atema sübokrem scripts nung aliba handwriting script 1,265 Special Judge's agiba ken o bushisü dangba samples denji kasa asütsüla. Court nem agütsüogo, aser dak sendakba nung Assam Ketdangser parnok 26 itemji forensic test atema police-i ACS, APS aser tanga rongnung jagi karbo yimtenren yoktsüa akok. service nung ketdangser 26 lenirtem aser tongti Iba ken o dak sendakba indang handwriting samples ketdangsertem den nung ita ishika tejaklen police-i bendentsü atema parnok kinungertem lir. i Chairman Rakesh Paul jaokogo. Bodhbarnü Assam Police-i densema ACS ketdangser asem Police-i ashiba agi, maneni 2013 aser 2015 küm APSC-i pua liasü.



Agartala, June 09, 2017: Hokolbarnü Agartala nung aliba Jagannath tekülem kidang 'Snan Yatra of Lord Jagannath' dak sendakba nung putirtemi shilem agiba noksa nung angur.

Arunachal nung nashishi atema lungkak ait

Itanagar, June 9 (Agencies): Centre-i nashi indang nung onok sobaliba aser Prime Minister Narendra Modi tenokdangba agütsüba anema yimyayimpong balala lir. Onok ji 'cooking show' ka nung Arunachal Pradesh Youth scheduled tribes nungi asünung tetendanger ka masü, anungji Congress (APYC)-i state yimtiba achi-ajem yimya balala lir. Onok kibongtem nung sorochiok nung rally ka ayongzüka agi. sobaliba nung shi achibaji yimya asütsü indang tetuyuba Sentongji Rajiv Gandhi ka lir. Onoki ghee aser dal magütsütsüla, ta Arunachal Bhawan nungi tenzük aser machir, anungji onok chinüba Pradesh nung Congress Party-i Mithun Gate tesem nung chidakjang" ta APYC tir Jikke aitsüogo. tembanga liasü. Tako-i ashi.

"Modi mesüra par sorkari "Onoki nashishi achitsü, aser asenok kechi achitsü mesüra ibaji onok atema süngolio ama machitsü atema tenokdangba lir," ta sentong nung adenertemi agütsütsü temeten mali. ayimtena senzü.

Democracy nung yamai Parnoki iba tenokdangba Tawa tu, Chief minister meinyaker" ta Indian Youth agienang ta state Angh PB Pema Khandu-ia nashishi achir Congress nung Northeast Acharya nem tezüluba nung aser tangari achiba nung kecha secretary in-charge, Sarifa takhangba agütsü. aibelenba majiteter, ta Rehman-i ashi. "Northeast aser Arunachal metetdakja liasü.

NE nung foreign-made cigarettes kanga bulua shibelen

Guwahati, June 09 oshitem nung jenjang zülua lir, (Agencies): Assam Police-i shishilembartemi iba nungjagi temesepba mozütem aser hon kanga tajangzük angur," ta ashi. Bodhbarnü state police CID-i Guwahati nung sen lakh 30 jenjang foreign-made cigarettes pua liasü.

"Nagaland nungi aruba truck ka nung foreign-made cigarettes Osang ka ajanga ashiba agi, ka nung foreign-made cigarettes "Ozüng alema shibelenertemi cartoon 35 nung miima bener Guwahati-i oset balala shibelenen bener arur. Iba dak sendakba nung nisung ka puogo," ta kasa osang parnoki lintük tesem balala aser ajanga ashi.

Item products ji timbaka Myanmar mesüra Korea nung Mitan nungi aruba truck ka nung foreign-made cigarettes Osang ka ajanga ashiba agi, ka nung foreign-made cigarettes "Ozüng alema shibelenertemi cartoon 35 nung miima bener Guwahati-i oset balala shibelenen bener arur. Iba dak sendakba nung nisung ka puogo," ta kasa osang parnoki lintük tesem balala aser ajanga ashi.

Item products ji timbaka Myanmar mesüra Korea nung Mitan nungi aruba truck ka nung foreign-made cigarettes Osang ka ajanga ashiba agi, ka nung foreign-made cigarettes "Ozüng alema shibelenertemi cartoon 35 nung miima bener Guwahati-i oset balala shibelenen bener arur. Iba dak sendakba nung nisung ka puogo," ta kasa osang parnoki lintük tesem balala aser ajanga ashi.

NATION TAX MARKET *Attention: Trade & Industry*

Trade & industry atema GST ji teyarir tajung ka

Rongsenketsüng maparen nung sector balala indang tebilemtetsütem reprangtsü atema GST Council-i Sectoral Groups 18 tenteta lir.

Banking, Financial & Insurance	Telecom
Exports (incl. EOUs and SEZs)	IT & ITeS
Transport & Logistics	Textiles
MSMEs (incl. job work)	Gems & Jewellery
Food Processing	e-Commerce
Media & Entertainment	Travel & Tourism
Drugs & Pharmaceuticals	Handicrafts
Oil & Gas (Upstream & Downstream)	Mining
Services received and provided by Government	
Big Infra (Airport & Sea ports including Maintenance, Repair & Overhaul, Power Sector, Housing and Construction)	

Trade & Industry nung züngsemtemi timtem/khurei/tarendakba/tebilembatem lemsatepnüra pei bangdak sector nung Co-Convenor den tongteptsü mepishia metetdaksür.

Sectoral Groups nung Co-Convenor tem indang temetetsüte www.cbec.gov.in nung angutsü

Sarutem menokba ajanga, linük ka yangerteter

Directorate General of Taxpayer Services
CENTRAL BOARD OF EXCISE & CUSTOMS
www.cbec.gov.in

Text us at @askGST_Gov for any GST related query

Mamateter

Asür Pipinungsang, Merangkong (Tuli)

Tsüngremi arishi agütsüba anogo temer tanü 13th June 2017 nung küm 3 abensadang nü temeim mapatem, nü menürem jak, ajak den kasa litetba aser nü sarasadem kinungertemi kodanga mamar. Tanü na onok den meliaka ayiba atuba anogo nung külem ajuruteptsü onok tamang sarasadem.

Temeim Kinungsü, Jabaso aser Kinungertem.

Tamanir asütsü DPP Mokokchung Region-i ayongzüker

Naga yimden onük sümedema tembangtsü ilongtepba inyakkang aser ken-o tembanga nübur ajaki maparen asangsang nung ajangshitsü yongyaseta atatepdang, mayang ketdangpurtemi aritepa inyaksü asoshi nungita apulateptsütsü asoshi Democratic Progressive Party (DPP) 2017 May ita 17 nü Naga nunger lennir Wabong Chingwang Konyak Tir sür tentetogo.

Democratic Progressive Party ajanga Naga lima ajunga nung terenlok maparen saku-ku atajema inyaksü, yimden maparen aser lokti libaliru mapalem ajak nung pei temeden soteta inyaksü.

Yimsüsür Arkhutong nükong soteta yur nütsüng nübu ajak tesünep, yimjung aser yimjiyimjung nung jangyu medema litettsü asoshi Tsüngrem nungi temoatsü jazüka tensa tia aser nüburi jangrabangra-a ayimtenba tashi dak ajemdaker iba party apusor.

Aorji tamanir. Naga nunger ajaki khenyongi matidaki dang Aorji Naga nunger tenük lapoktsür kin ta tushir. Iba tenüng tajungji asen tetsü-tebou, tsüraburtemi mezüngpur ama mapa tajung inyakyong naroküm agütsüba ka ama tangbo mesüdaktsüli.

Ao sünak apenertem talisa lanu-lajatem tang Naga lima rangpen telemtetba agia melenshitsu songersena aodang raktepa maangka agitsü asoshi aser shilem ka nungbosa yariteptetsü asoshi Democratic Progressive Party nung adentsü DPP Mokokchung Region ajanga ayongzüker.

TONGTEPRATEPER,

1. N Bendang Jamir (9436436089)
2. Pangerzulu (9436006021)



TIR YIMYIM YIMOBILEM (EDITORIAL)

DIMAPUR SATURDAY, JUNE 10, 2017

ASENOK TANGATETBA ILARA

India telongjem kübok state ajak nung Deobar anogo ya office mapa inyakba anogo asütsü ta center government-i ozüngsa sangdong ka asünunga Nagaland government-ibo ola madoki anidaksü südi ta shisabolua bilemer. Ashiko, yamaji ka sangdong nunga Mizoram aser Meghalaya government-ibo idangjisa parnokibo iba ozüng nungji manidaktetsü, kechiyong parnokbo Khristan, anungji Deobar nübo sentepi aotsü aser anisüngzüka amongtsü, anungji iba ozüngji meyipa reprangshitsüla ta takangba agütsütsü. Iba sülenji hopta anasemka lir külen meilongi Nagaland government-ia kasa tebilembaji center government nung alirtem mulung meyirutsüsa tanemi metetdaksütsüa akok mesüra ola madoki deobar temoatsü sentep mapangang anepdang yakta office-i maodang lidi ta arogo dang asüngdangtsüa akok. Iba tebilembaji pelashishia arogoi agizük ka asünunga Naga nunger Khristan purtem asoshi kecha tesüngmangtsü mali, kechiyong government-i arogo aser mungdang nungdak inyaksüra iba jagi teperi. Tanü Naga nunger yimsüsür aser amangba purtem tangatetba aser tamang jenjangji yangji lir. Ibayongji, center government-i Christmas anogo memongi Good Governance Day amongyonga asenok asoshi tajung amai dang bilemer, Good Friday nung Digital India anogo amongyonga kecha masü, anungji Easter Sunday nung office-i aotsübajia asenok asoshibo kecha balaka masütsü. Iba tangatetba aliba jagi tang linük nung nashi metepsettsü asoshi ozüng yangluaka asenok Naga nunger yimsüsür aser arogo nungertembo nashi shia machir amato ola madoker. Pi tangar tangatetba repringdangra, Meghalaya nungbo nashi metepsetdaksütsü ozüng yangluba anema BJP züngsem aika BJP telok nungi anenogo aser Kerala nungbo rongdak tatar senden jatapa nashi shi mayonga süngo jemer külenang senden tenzüka ken o lemteper külen, nashi metepsettsü ozüng yangluba kanga sashia aitsü aser iba ozüngji agientsüla ta pangzüng takang ka renema metetdaksüogo. Asenoki achiba shi rongnung Laishiba nung Tsüngremi achitsü melaba shibo nashi shi ya dang lir. Shitakba agibo ak shi ya Muslim nungertemi dang masü saka Khristan purtemia machitsüla. Ajisüaka, asenokibo tanguba aser techinüba ajak achir asünungji Tsüngremi asenok nembo taochi balaka agüja alitsü ta amanger. Tanü asenok Naga nungertem akhi Naga nunger memesük küma aobaji asenoki angatetba ajunga agi sen aser yimten nung 'Ruling party' angatetba ya asütsü. Akhi Naga nungertemibo chi mechiyongi arem nung süngolemba mejaka yimten nüchiso asoshi timtem arem aser Naga yimten temeten asoshi election magia arem. Tanübo Naga nunger asoshi Naga yimten temetena mali aser Naga nungeri amangba Tsüngrema mali ama, oagi Delhi nung kechi teloki yimsü asür aser center nungi sen peria angutsü asü mangutsü ta asüba tangatetba sülen dang Naga nunger ajak anidaker. Ibayongji, Naga nunger aküm maket kümogo. Iba tia nungbo Naga nunger ajak oagi center nung yimsüsüba telok (Ruling party) nung adenyonga tangari kiküm adena maidaksütsü. Alima nung shiba südir süang mesüra koba kin südir süang senotsü agi masü saka aküm agi taküm junga alir. Iba akümji tangatetba nung indangindanga nokdakba ajanga arur. Sen kisüng agi alima ajunger asübo Nagaland topur junga yanglur lila aser Ruling Party nung adenba agi tebilemtsü akoker asübo Naga yimten tebilemtsüa koker lila. Ibaji Naga nungertemi angatet meshiogo.

OLEMSABANG

'Kütsü Sarasadem' ken nung tai aliba medongshidi Correction of unaware, unforeseen, unrealized errors

- Tsüknung Penzü, Dimapur

1. Iba ken translation tai medongshitsü tuyur

Ao Osangtajung Ken Kaket (AOKK) nung ken No. 345, nung, 'Kütsü Sarasadem' ta asüba ken nung, leplazü dak alema stanza 4 prongla nung tai lir. Iba ken ya küm shia Tetsü Temeim Anogo (Mothers' Day) sentep nung atener. Taküm 2017 sentep nunga temunungratsüka (nostalgically) tenogo. Iba ken nung English nungi meyipzük dang tai meyipzükba, saka itemji 'tai meyipzük' ta Aor shingaiia tanü tashi mapitetba, mapijemba stanza shia nung lir. Itemji ni tuteta sayua, aser correction agia, kü suggestion translation tasen agüja ken text yanglushia sayuba iba ocet nung teküpoklen agütsür.

2. 'English - Ao' translation ojang tasen ana sayur

Iba ocet nung (ken nung masü) English nungi meyipzükba Ao o (Aoo) tasen kar yangi yamai agütsür :-

* Comment = Onen. O jembiba, züluba süli, osettsüset süli, subotsü süli, kechisarenaa nung, "junger, majunga, teyaria, lanlia, mekümtetka !, temoa-a, sayangtetogo, jungsetogo" ta olen tatsüka agi comments agütsüba dang 'onen' ta ni meyiper.

* Commentary = Onenlepden. Junger, majunga ta onen agütsüba nungji ano kechiba, koda ajung ta ; majung süra kechiba, koda majung ta olen tatsütsü, mesüra kar nungbo talanglang agi rasaa ashiba dang commentary = onenlepden ta ni meyipogo.

Iba 'Kütsü Sarasadem' ken sülen, iba ken nung tai alibatem tuteta sayua aser aji ni temelen suggestion agüja, ibaji rasaa ashiba, 'onenlepden' ta asüba sub-heading küpok sayuogo.

Ibai 'Shakespeare Commentary' ta, aser ano 'Commentary on English Poets and their poems' ta English Literature kaket tenüng akaba nungi agizüka meyipdang. 'Bible Commentary = Baibel Onenlepden' ta amshitsüa temsü asü metemsü, apet asü mapet ajibo ni laishir masü asünungji nibo ashitsü makok. Aor theologians / laishir temi dang ajibo shitetsü.

3. Aor-i mapitetba tai aika AOKK ken aika nung lir

Tanü asüng AOKK revisor temi aibelenba masü, saka alemli nungi ken tetezü tai meyipzüka atener sürnung aji asen Aor-i "Ya tai meyipzük" ta merajemba, mapitetba (unawareness, unforeseen, unknowingly) ken tai ishika masü, saka aika lir. Itemji ni putetba tashi (identify sütetba tashi) list yangludagi. Aser putetba shia nungji kü suggestion translation agütsüdagi. Tesütep mapang ka nung ni itemji Aor den lemsateptsü renema lir. Iba 'My Mother's Prayer' ken ya-a item mapijemba tai rongnungji densema lir.

4. Ken ka, text balala 3 nung agütsür

Iba, 'Kütsü Sarasadem' ken ya text balala asem nung yamai agütsür : (a) English text, (b) AOKK text aser, (c) Kü suggestion text. Text 3-ji medemdanga study asütsü nübur dang mepishir.

Ken text 3-ji teküpboklen yamai agütsür :-

English

My Mother's Prayer BH. 95

1. I never can forget the day,
I heard my mother kindly say :
"You're leaving now my tender care ;
Remember, child, your mother's prayer."

Chorus :

When-e'er I think of her so dear,
I feel her gentle spirit near ;
A voice comes floating on the air,
Reminding me of mother's prayer.

2. I never can forget the voice,
That always made my heart rejoice ;
Tho' I have wandered, God knows where,
My mother dear, in humble prayer

3. Tho' years have gone, I can't forget,
Those words of love - I hear them yet ;
I see her by the old arm-chair,
My mother dear, in humble prayer.

4. I never can forget the hour,
I felt the Saviour's cleansing power,
My sins and guilt He cancelled there ;
'Twas there He answered mother's prayer.

N.B. :

Iba ken ya Rhyming Method (RM), Aoo : Sangruyim nung mejemba lir. R.M. dabu balala ishika rongnung iba ken ya Couplet Rhyming nung mejemba lir. CR method yabo 'plain method' den kasasa. AOKK : O kija aketba tejenba den to style kasasa lir. Stanza 1 nung tatembangba ojang jura ana ni underline asüa alibaji CR method sayur.

Maneni taruba adoknung...

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agütsü mepishir

Longsa Baptist Arogo: Revival Mungjen

~ Longsa Baptist Arogo

(Taoba adok nungi...)

Longsa Arogo nungi Revival Milak Prokshiba

Tsüngremi Longsa Arogopur madak Tanela Temeshi Revival Milak meküplokja sayatenya tapu jenti inyaka, kümzükbapur agi asüng aser kati ka aria bilema temeim mapa agi yaritep, ano kati ka anemtepa aliba tatok agütsütepa yimjung yanglu. Yimti aser arem tekong tenem ajak nung temenungratsü ken atenba ola agia alima sangwadaktsüdang aikati Kotakji ibai mesüka alitsü ta sa jembitep. Item tajangshiba temoatsü ya asenok dang magitsü ta sür Ao arogotem semdangtsü asoshi tongtepratep saka shingaia magizüksü ozüng yanglua nokdang. Anungji, Tsüngrem dang nüktzü yima Pai inyakba mapa kulisütsü kishi lapokjang ta sarasademba den tzü mopung aser ozüsangnu dang yamaisa ashi, "Oh! mopung, ozü sangnu aser ayongtem iba temoatsü osang tajung ya nai meimchir dangi benang aser parnokia Tsüngrem dangi meyiptsü." Ano parnok tenük nungi tepela nüktzü yima ayong nung tejak meidang "Iba ayong tzü ya shirnokisa jemdir parnok ajak dak iba tanelar revival temoatsü ya mungdakjang aser Tsüngrem taochi agüjang ta shia tejak mei." Iba sarasadem ya Tsüngremi langzua anüdoklen aliba Naga Kintem (Sangtam, Chang, Phom, Konyak, Yimchunger, Khaimungan) dangi tenzükba wadang balala nung noktaksü nübu 38 yok aser revival sentongtem agüja Tanelar revival milak merok mi ama prokshia ayimsünga ao.

Chang lima Arogo nung mezüng revival tenzükba

Chang lima nung mezüngbuba Revival-ji Tobu Arogo nung adok (temalenbo Tobu yim ya Chang Kin nung tena liasü saka dangbo Konyak kin den lir). Iba revival adokbaji yamai: Longsa Arogoi yokba nübu Rongsennungba (Longsa) Pa Tobu arogo nung pastor inyakdang par Arogo nung 1969 küm Chang Mungdang 21buba agizüka amungtsü arogoi telemtetba agi. Iba mapa tipdema takok nung inyaktetsü asoshi shisatsü agitsü nukjidong nung iba küm August ita tetenzüklen Pastor Rongseni anir Deacon N. Liangin aser Sobong mapangsür parnok asem Longsa arogoi aru. Iba mapang Longsa arogo nung revival tialong liasü. Parnoki par mungdang koda achaayanga akatsü shisatsü tajung Longsa arogo nungi agiba den ano parnok taküm nung Tanela temeshi Revival Milak agizüka bener par limai meyipa oa August 15 nü yim atong. Parnok yim atongdang yimeri pastor Rongsen tejak balaka sentsüwangshia angu aser pai Tsüngrem o balaka ain nung jembitsü tenzük. Par aseme yimer dang Longsa arogo nung Tanela temoatsü anguba aser Longsa revival indang kuli süa nisung ajak temulung meyipa tanela temeshi agizüksü ayongzük. Iba sülen hopta ishika lir September 20, 1969 nü mezüngbuba Tobu arogo nung Revival adok. (Phuhlem Pastor, L. Ngussu Ex-Pastor 8/2/2017 nung interview agiba).

1969 küm tatemlen Chang Mungdang Tobu arogo nung sentepdang Longsa Arogo pastor Tsüknung aser choirtem jaok. Mungdang tenzüksü anogo ka ana lia par yim adong. Anungji Longsa nungi aortemi Tanela Temeshi ain nung sarasadema yimti yimdong ajak meshiteta jaja. Kodang Mungdang arua sentongtem agi Tsüngremi tesüngmatsüka mapa inyaka revival adok aser Mungdang arogoi arogoi arogoi Milak agizüka bener pei arogoi ao. Iba ajanga Chang lima arogo aser temeket arogotem nung revivalji prokshia ao. (Tuensang Revival: Breaking the Chains of Division (Fire Mail) Vol. 1 No. 6 Monday June 13, 2017, tapak 2).

Sangtam Arogotem nung Revival tenzükba

Akhi tsürabur mapang nungi Longsa yim den sentaktepa aliba temeket kishikina arogotem; Tsare, Jungliyimti, Tsangdang, Mangakhi, aser Chungtor arogo nung Bible Study sentong agüja Revival tenzüksü. Mezüngbo Sangtam Mungdang nokdang saka Tsüngrem sentong shingaia soitsü mokoki tesülen angajema arua agizük. Iba sülen Kiphire tsütsü Longsa arogo ajanga revival yamai proshi. 1976 küm Pongro Town Arogo (Yimchung) nung Lanukazüng (Longsa), par kibong Pastor inyakdang Tsüknüngsangba aser Imsüba na jaoka mezüng Revival sentong kaa asentenshi tenzük.

Longsa arogoi Pongro Town Arogo nung revival agütsür ta osang angashia Phelungre Baptist arogo (Eastern Sangtam) Pastor Lumong, pa kinungtsü temang paralyze aneptsü asoshi Pongro Town tashi tetsüng agi oa parnok meyipa aodang par arogo nung sentep ka agitsü mepishi. Asüngdangba ama meyipa arudang sentep ka agia taneptsü mapang lapok, idangji limapur ana taneptsü ngua temulung meyip.

i). Yonghukuyong ya terok timtem ajanga o mejembiteti aliba taneptsü angu. Pa amanga bapti aser Arogo secretary inyak.

ii). Yangtsakui, ya tenarong majungi liasü. Pa-a taneptsü angu aser temulung meyipa tzü nung Baptir Arogo kimen inyak.

(Maneni taruba adok nungi...)

ANOGO ABEN TSÜNGREM DEN

KANGKI AKHÜM - LUKE 23: 33-47

Kibuba Yisu pa tsükchirtem den tesendakteppi repringang. "Oba, parnok dang teti tai tokang kechiaser parnok kechi inyaker parnok memetet!" Parnoki sempaba agi pai parnok mesempa. Pai meimchir takuji mamatzü ama nanga agizük. Kecha agia asen Kibuba taku mekümdaktsü, aser Pai mulungba nung shisatsü tamajung aidakja mang ayangtsü mebilem. Aser kü den koda? Kü tsükchiri kü tanela aser kü temang lemtadaktsür asü? Ni ilaa kümdaktsüba agi parnok tebilemba nung takok angur asü? Mesüra kangki nunga kü tanela tasü ita kümdaktsür?

Kangki nung aüer nisung den asen Kibuba tesendaktep repringang. "Tanü na Kü den Paradise nung alitsü." Kümtedakba tejashi, timtem nung pa atema bilemba mali asü. Pa temang kangkidong nung alidanga pa Taneptsür Tajung ka liasü. Pa tasütsü mapang nunga temulungjang teraksa nung alir pai aneptsü.

Kodang "alima ajunga manga aküm," Pai rongjena aliba nisung temulungjang nung anepdang tesangwa yaloktsü. Aser, O Kibuba ni yamaji inyaksü kü dang yariang.

Aser iba tesüngmangtsü taochi mapa Pa Tebu den sendaktepa aliba nung ratetsür. "Oba, Ne teka nung Kü tanela agütsür!" Au, ajak iba nung dena lir! Kodang ni kü Bu den sendaktepa lidir, kü tanela anepdang azüngtzü ama alitsü.

'Jesus Week' nung nisung 14,000 aden

New York, June 7 agirtemi tanurtem kaket (Agencies): Taoba hopta New York City nung aliba Times Square nung "Jesus Week" sentong agidang nisung 14,000-i shilem agiogo, ta The Christian Post ajanga metetdaksü.

Iba sentong nung sarasadem mapang, Lai azüngba mapang aser kentenba mapangtem liasü. May 18 nü New York City nung nisung kati gari nung lenmang nung senzürtem dak atsükba aser menüngba sülen anogo ishika lir, 'Jesus Week' sentong agiogo.

Iba sentong ya Concerts of Prayer--Greater New York (COPGNY) ajanga ayongzük aser iba telok yagi sensakertem yarir aser school tem nung teyari agütsür.

Jesus Week nung shilem


120,000, Christian devotional kaket 180,000 aser Jesus Film DVDs 100,000 alem.

June 3 nü Times Square sentong tongtiba agi aser iba asoshi 43rd Street, Manhattan nung sabang ka yanglu.

Sentong agiba piyong audio Bible recordings atem aser nisungtemi ashiba agi, iba mapa ya kanga tasü itta inyakogo, ta COPGNY president Pastor Dimas Salaberrios-i osangbener dang ashi.

Salaberrios-isa iba sentong nung pa indang taküm kuli lemsatep. "Pa yimdong nung mozü ayoker ka liasü saka Tsüngremi taküm melenshitsu aser Yisu indang temeimji pai tangar den lemsatepnür," ta Salaberrios-i ashi.

ABAM Nagaland Canaan Farmers School Training agi



June 9, 2017: ABAM Nagaland Canaan farmers school training Chungtiayimsen Baptist Arogo nung arogo 6 nungi nisung 15 arua training agi.

Alima nung joko tangar dak nendaker alir aika mali saka asen lima repringdangra Tsüngremi asen nüngdakba dak alia ali temo aketba moatsü, saka tanü aseni item temoatsü mamshi tangar dak nendaker lia arur. Talisa tensa tia mejungra taküm sottsü ang süngla ratamatatsüsa asenok lir. Yamai dang ora asenoki tangar kübok alitsü ana nung lir aser yamaji kodang südir asen tamang jenjang dena mashileni aotsü tensa arutsü. Item tebilemstü nungi kümzüksü lenmang nüngdak ta ajiteta ABAM ajanga

iba Canaan Farmers School training ya 2016 küm nungi agüja arudar, ta ABAM sangdong ka nung metetdaksü.

Nagaland Canaan Farmers School training ya nisung ka taküm rangben temelenshi adoktsü nukjidong nung agia arur. Iba Canaan Farmers School ya ajanga nisung ka takar akümtsü sayuba mapa ka masü saka, nisung kati koda tangatetba nung pei taküm sottsübo inyakteta tangar dak menendaki litettsü aser tanela nunga Tsüngrem tsübuba nung temelenshi adoka asen lima kümzükba ayutsü ta sayuba sentong ka lir.

Iba school ya tebilemba shisa (ideology) inyaksü, tenzüksü

aser bendanga agütsütsü aser nukjidong (motto) shia metettsü asoshi inyaksü, bendanga agüja nendaka inyaksü aser ajemalua tenzüksü ta nung ajemdaker tenzükba inyaker, ta ABAM-i sangdong nung shia lir.

Iba sentong nung shisalen sayurtemji- Rev. Dr. Mar Atsongchanger Executive Secretary, ABAM, Dr. Sashiyangba District Project Officer, Land Resource Development Govt. of Nagaland aser Mr. Panger PA to Executive Secretary, ABAM nungertem liasü.

Shisalen sayur ajanga Nagaland Canaan Farmers School langpang yimya (table manner) nungi nisung ka achiajemba dak sentakba nung nisung "kati achitsü asoshi dangbo machitsüla, mapa meinyakli süra techiyong aser chi su ka asoshi ghonda 4 bosa inyaksüla" ta sayu.

Achiba yimya nung tokshitokra meli teyari achitsüla kechiaser item taji tajemtsü manguba nisungtem aika lir, nai

tokshibaji kar nem agütsüba tajungba mesüra na tarutsü mapang asoshi rizüngtsüla ta nisung kati teinyaksü meteta alitsü mezüng sayua liasü.

Nisung ka anema alinung dang mapa inyakteter aser inyak nung dang achitsü angur yamaji anema alitsü asoshi anepdang temang shi azü salabangla (exercise) tapu balala agia liasü, ta parnokisa ashi.

Aluyimba nung tejang tajung atangtsü asoshi mangdang tulu alitsüla, metsü tajung asütsüla aser mapang peria intoktsüla. Kasaji asen tanela nunga tejang tajung atangtsü asoshi mangdang tulu alitsüla, aseni tajung inyaksüla aser Tsüngrem nem mapang peria agütsütsüla ta aluyimba aser tanelar mapa asadangtepa sayua liasü. Anungji asen lima temelenshi adoktsü asoshi nisung shia ni mezüng melenshiti aser inyaka sayuti ta asütsüla ta shisalen sayurtemisa sayu.

Iba dak alaka ali tajung/mol koda yanglutsü aser tsünusenpong koda asütsü mapa agi sayua liasü. Yangi tongtipang

kaji koba sungjang kechi li nung ajunger aji metettsü tim ta ajangajanga sayu. Aseni alu tulu meyimetaka asen Ki temekut nung danga aseni anogoshi achiba aonsotsü koba tanü asenoki bazaar balala nung alir, itemji danga aseni azümesen mesüi inyaktetra aji agia asen rongsen tuluka kümzüksü ta sayua liasü.

Tesayuba nung ajemdaker telok balala lemsar, aluyimtsü asoshi sentong yangludaktsü aser yamaji telok ajaki aluyimtsü sentong tajung bener arua kanga tajangzük ngugo.

Tatem nung training nung adener ajak nem certificate tajung agüja liasü. Maneni ABAM ajanga iba sentongtem agia aodang asen nübur azümesen nungi tekümküm agütsüb li tajung anepalua amshia asen sasa litetba taküm kaka küma Tsüngrem tsübuba nungi mepilai alitsü Pa dak tamang ayur, ta ABAM Executive Secretary-i sangdong nung metetdaksü.

OLONG PAITEP # 4446

1		2		3						
		4					5			
							6			7
			8			9				
								10		
11										
			12							
13										

TIPIEN

- 3. Tanidaker - (7)
- 4. Tejashi mali - (6)
- 6. Mezüng - (4)
- 8. Langtem - (5)
- 11. Kumpa - (4)
- 12. Meimchir - (6)
- 13. Teinyaktsü lateta ayuba - (7)

LANGTSÜNGLEN

- 1. Tetsüng sobotsü - (8)
- 2. Temeshipur li - (5)
- 3. Teni tzü - (6)
- 5. T _ _ _ _ - (4)
- 7. Anogo tetenzük - (8)
- 8. Sü putakba yinzü - (4)
- 9. Anü yir külen - (6)
- 10. Reprangteter - (5)


OLONG PAITEP # 4445 TELANGZÜBA

TIPIEN :

- 2. Pakshi, 5. Mangi, 7. Ama, 8. Alang, 10. Medemer, 11. Anüla, 13. Jen, 15. Akuko, 16. Amajok.

LANGTSÜNGLEN :

- 1. Mata, 2. Piga, 3. Shinür, 4. Ipl, 6. Mashi, 9. Ozüng, 10. Mangsa, 12. Alak, 13. Jakl, 14. Ita.



ALOKBA YAYASETTER

Alok koda asü.. Ni taküm 1st divison nung class 12 pass sür Mark sheet nung mangmanger, Tanga state-i oa azüngtsü online form fill up asür saka koma mark meinoker..... Parnok form nungji Theory mark.....Practical mark..... Total..... Ano Nagaland Class 12 mark sheet tesülen Theory 70.....Practical 30..... ta lir Saka onok theory....90 aser Practical 10 ta nung tatidang agi. Saka result nung theory indang dang zülua lir. Teinyakertem ya tzü agi aintsü langa lir. Salah.

-Tialiba Longkumer

TANÜBO NAI LANGZÜANG

- Q. India nunger meyong bank kobalai linük ajunga nung yimtsüng 100 nem digital banking lapoktsütsü ?
- [A] Punjab National Bank
 - [B] Dena Bank
 - [C] State Bank of India
 - [D] Vijaya Bank

===== (Taruba adok nung onoki langzüksü)
YASHI ADOK TELANGZÜBA : Montenegro

Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimyim, bureau tem nung agüang.

Tepela Tasoba Anogo



- 1. Tenüng :
- 2. Tasoba anogo:
- 3. Küm : 4. Class :
- 5. School :
- 6. Talidak :
- 7. Salem osang :

NAIA YA METETER MA

2000 NUNGI 2016 TASHI FRENCH OPEN WOMEN'S SINGLES ASAYAMUNG TAKOKERTEM YAMAI :

Küm	Linük	Champion	Linük	Runner-up
2000	FRA	Mary Pierce	ESP	Conchita Martínez
2001	USA	Jennifer Capriati	BEL	Kim Clijsters
2002	USA	Serena Williams	USA	Venus Williams
2003	BEL	Justine Henin	BEL	Kim Clijsters
2004	RUS	Anastasia Myskina	RUS	Elena Dementieva
2005	BEL	Justine Henin	FRA	Mary Pierce
2006	BEL	Justine Henin	RUS	Svetlana Kuznetsova
2007	BEL	Justine Henin	SRB	Ana Ivanovic
2008	SRB	Ana Ivanovic	RUS	Dinara Safina
2009	RUS	Svetlana Kuznetsova	RUS	Dinara Safina
2010	ITA	Francesca Schiavone	AUS	Samantha Stosur
2011	CHN	Li Na	ITA	Francesca Schiavone
2012	RUS	Maria Sharapova	ITA	Sara Errani
2013	USA	Serena Williams	RUS	Maria Sharapova
2014	RUS	Maria Sharapova	ROU	Simona Halep
2015	USA	Serena Williams	CZE	Lucie Šafářová
2016	ESP	Garbiñe Muguruza	USA	Serena Williams

SUDOKU # 3559

				1	5					
			5	8		7	9			
6		9								
	6	1	5		3	4	9			
			6		2					
	2	5		4		1	3			
2				6	1		8	4	9	3
				7		9	1	2	8	5
3			8		5	2	6	6	7	1

TELANGZÜBA # 3558

				1	4	2	5	6	3	7	9	8					
			5	8		9	3	6	8	7	4	1	2	5			
6		9				7	5	8	2	1	9	3	4	6			
	6	1	5		3	4	9		5	2	7	1	4	8	9	6	3
			6		2				8	1	4	3	9	6	2	5	7
	2	5		4		1	3		3	6	9	7	5	2	4	8	1
2				6	1		8	4	9	3	6	8	7	5	1	2	
				7		9	1	2	8	5	4	3	1	6	7	9	
3			8		5	2	6	6	7	1	9	2	5	8	3	4	

OJANG LUTEP # 4054

- MAALI :
- NGNU :
- AMYAI :
- NGDA :
- TSAÜK :
- NGBNUO :
- DATASHIK :
- AKIA :
- KTETSPOTÜ :
- BULSHISAUR :

OJANG LUTEP TELANGZÜBA # 4053

MEIMCHIR TAKÜM NUNG TIMTEM TUOSHI TEKANGSHI MAJURUSHIRIBO NÜBURTEM JUNGA METENZÜKTETER

Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdang (Horoscope):



Aries
21/3-19/4

Tanü oset tulu kar alitsü akok. Sen kanga sadema amshitetsü. Nü ket nung sen aliba yari lijaliyong asütsüla.



Taurus
20/4-20/5

Nai nü nükjidong tangar den melemsateptsü. Nai jangra aser ataloktsü amai bilemba ang shitak ama agitsü. Na anasatiba nisung den nai ajak lemsatepnütsü.



Gemini
21/5-20/6

Tesüiba ajak amadoker tarutsü dak rangloker inyaktüsüla. Jenjang tajungba akümtsü asoshi shisatsü talang alitsü nungdak. Inyakyim tasen nung temulung agütsütsüla.



Cancer
21/6-22/7

Tanü bendang linüki aotsü pur atema anogo tajung. Tamangba tsütsü renloktsü anogo tajung asütsü. Memetetba tesem nung süaka tangari na anepalua amshitsü.



Leo
23/7-22/8

Tanü bank maparen inyaktüsü asoshi anogo tajung. Sen tebilemtsü kar nung na temulung ila akümtsü akok. Tenla agütsüba ajanga tarutsü nung na ang ajangzüktsü.



Virgo
23/8-22/9

Tangari na sapubaji na atema hadir tulutiba asütsü. Telung nung nü den tokteper aika alitsü akok. Na anemertem nai makoktsü akok.



Libra
23/9-22/10

Nai inyaknüba inyaktü na pelatsü. Anogo shi mapa akhi ama alitsü. Tim masüba mapa ajak jungkai adoktsü.



Scorpio
23/10-21/11

Tarutsü atema sentong yanglutsü anogo tajung asütsü. Mapa tila nung nai temolung kanga magütsütsü. Alima shisatsü aser tamangba tsütsü temolung kanga agütsütsü.



Sagittarius
22/11-21/12

Tembar kar den mapang intok junger. Ner tanur dang alima tobur ajung sayutsü anogo tajung asütsü. Tanü na südoksenemtsü anogo tajung.



Capricorn
22/12-19/1

Kibong nung mapang intokba ajanga tepela angutsü. Obang apuba ajanga telungjem tali tashi aittsü. Ner lima asoshi bendanga agütsünüba shisatsü ka arutsü.



Aquarius
20/1-18/2

Nü dak pi dang sayunüba shisatsü ka arutsü. Tangar mangatettep nung nai yimjung yanglutsütsü. Aien ana kati aotsü akok.



Pisces
19/2-20/3

Nü inyaksangshi ajak tamang agi anitsü. Na kanga anisungzüka bilemtsü. Nü taküm nung atalokbatem asadangtsü mapang tajung.

CMT Music Awards 2017 nung Keith Urban-i sempet timba angu



Keith Urban 2017 CMT Music Awards nung Male Video of the Year Award agizükba sülen tangokba noksa nung angur.

Nashville, June 09, (Agencies): 2017 CMT Music Award sentong ya Nashville nung aliba Music City Center nung agiogo. Iba sentong lenir ya Charles Esten liasü. 2017 CMT Music Award indang telemsa balala nung nominee ya Carrie Underwood, Florida Georgia Line, Jon Pardi, Chris Young, Midland aser Luke Bryan nungertem timba liasü.
* 2017 CMT Music Award akokertem yamai alitsü:

Video of the Year
* Keith Urban, "Blue Ain't Your Color"
Male Video of the Year
* Keith Urban, "Blue Ain't Your Color"
Female Video of the Year
* Carrie Underwood, "Church Bells"
Duo Video of the Year
* Florida Georgia Line, "H.O.L.Y."
Group Video of the Year
* Little Big Town, "Better Man"

Breakthrough Video of the Year
* Lauren Alaina, "Road Less Traveled"
Collaborative Video of the Year
* Keith Urban feat. Carrie Underwood, "The Fighter"
CMT Performance of the Year
* Jason Derulo aser Luke Bryan, "Want to Want Me" (from CMT Crossroads)
Social Superstar of the Year
* Keith Urban

Saare Jahan Se Achcha nung Fatima-i Aamir den shilem agitsü

Mumbai, June 09 (Agencies): 'Dangal' film nung Aamir Khan den külemi shilem agila, Fatima Sana Shaikh kanga tia kaa maneni lai Yash Raj Films' 'Thugs Of Hindostan' nung shilem agitsü maongka nguogo. Iba film nungsa Aamir Khan, Amitabh Bachchan aser Katrina Kaif nungeria shilem agitsü, ta osang ka ajanga metetdaksü.

BollywoodLife.com ajanga ashiba agi, Fatima-i maneni Rakesh Sharma indang taküm otsü film 'Saare Jahan Se Achcha' nung Aamir Khan den külemi shilem agitsü. "Saare Jahan Se Achcha atema Fatima shimogo, aser lai iba film nung Aamir kinüngtsü shilem agitsü," ta kasa osang ajanga metetdaksü.

'Dangal' film nung lai Aamir'er jala shilem agia liasü, iba sülen tangbo 'Thugs' aser 'Saare...' nung tena meimtepa adoktsü. Iba film ji reprangdangnüsüka asütsü, kechiyong tena külemi senzüba osang aikati prokshia liasü. Ajisüaka tang tashi nungbo Aamir, Fatima aser film yanglurtem shingia iba osang sangdonga mali.

Black Panther Avengers: Infinity War film nung shilem ka asütsü

Los Angeles, June 9 (Agencies): Black Panther character ya superhero film Avengers: Infinity War nung shilem ka asütsü asoshi renema lir. Actor Chadwick Boseman-i pa indang character Wakandan Black Panther (T'Challa) iba film nung shilem ka asütsüba osang jangjatsüogo. Boseman-i Infinity War set indang video tatsüka post sütsü.

Iba video nung mendentem sayur koba nung Steve Rogers (Chris Evans), T'Challa aser Natasha Romanoff (Scarlett Johansson) nung tenüng zülua lir. Maneni Video nung T'Challa menden anasa asem ka yua lir koba fan temi pa indang scene nung amshiba asütsü ta bilemer. Boseman-i standalone movie nung maneni Black Panther shilem agitsü aser iba film ya 2018 February ita 16 nü sayatsü

asoshi renema lir. Avengers: Infinity War film ya 2018 May ita 4 nü sayatsü. Film nung tongti shilem agirtem rongnung Robert Downey Jr., Chris Pratt, Chris Hemsworth, Benedict Cumberbatch, Mark Ruffalo, Tom Holland, Jeremy Renner, Elizabeth Olsen, Paul Bettany, Zoe Saldana, Josh Brolin, Dave Bautista, Peter Dinklage aser Terry Notary nung lir.



NASHVILLE, JUNE 9, 2017: CMT Music Awards "Show" - Nashville, Tennessee, US nung Carrie Underwood-i "Church Bells" ajanga Female Video of the Year award agizükba noksa nung angur.

TAN HOPTA ATEMA - KOMA SÜLA ?

Q Nagaland nung tzü mopong merükteta yunüba temaitsü ka sayua Deobar nü amangba purtem ajak tenla kidangi aodang gari mebeni tetsüng agi ao nunga koma süla?

Olong 20 shi nung June 09, 2017 tashi nung iba telangzüba ya onok dangi

e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzübatemji taruba Deobar nü adoktsütsü.

Sen 13,900 jenjang Amazon Alexa Integrated smartwatch sayaogo



June 09, 2017 (Agencies): feature tem amshiteter. CoWatch tenüing melena iMCO Watch ajaba company ajanga Amazon Alexa den meyoktepa alima nung mezüngbuba smartwatch India nung sayaogo. iMCO Watch nung ya ola adoka jembiba ajanga Alarm, Alternate Timezone, Calendar, Music Bluetooth Control, Notifications, Step Counter, Heart Rate Monitor, Stopwatch, Timer, Weather, Speed Dial aser 'If-This-Then-That' (IFTTT) amala app aser

Amazon Echo indang Amazon Alexa Voice Service, Echo Dot speaker aser IFTTT tem aliba ajanga iba watch amshirtemi IF App Container ya pei aginüba ama settings yanglua ayutsü akoker. Iba watch amshirtemi iMCO Watch den tepang agi jembia news angatsü, tsüngsang mopung metettsü, traffic rebrangtsü, pizza order asütsü, smart home control asütsü, calendar rebrangtsü, Amazon

nung oset order süa aliba rebrangtsü, phone call asütsü amala mapatem inyakdaksütsü akoker.

Chronologic watch ama UI display ajanga tongtipang osangtem sayur aser watch nung aliba app tem amshia mapa inyakteter. Iba smartwatch ya iPhone (iOS v9.0 aser temaba) aser Android Phone (v5.0 aser temaba) den sendaktepteter aser iba iMCO Watch ya mobile phone tem den 'pair' südakstütem.

Terebrangtsü jungdaksütsü mechi iMCO ajanga iba watch terebrangtsü balala nung yanglua lir.

Iba watch ya stainless steel agi yanglu aser display ya AMOLED full-circle display lir. Iba smartwatch nung ya 1GB RAM aser 8GB Flash Memory inoka lir, tzü aser auyi mamonger. India nung iMCO Watch ya Yerha.com nung angutsü. Iba smartwatch ya 'mineral silver' aser 'carbon black' sentsü nung sen 13,900 agi angutsü.

OnePlus 5 June 20 nung sayatsü, noksa sayuogo

June 09, 2017 (Agencies): Talangka nungi kanga yongya aliba OnePlus 5 smartphone ya alima ajunga nung June 20 nung sayatsü. Iba phone indang noksa ya company ajanga sayuogo aser iba phone tesülen ya camera ana keta lir.

Olulu ajanga ashiba ama masü saka iba phone nung tesülen camera ana ya lendeni inoka lir. China nunger smartphone yangluba company, OnePlus ajanga phone indang camera tajungtiba nung yanglutsü meranger aser iba noksa ajanga kuli sayur.

"Camera ana. Noksa tejangjaba." ta company ajanga Twitter nung zülüja lir aser iba tweet ajanga India nung OnePlus 5 sayatsüba indang page sayur.

Osang kar ajanga ashiba agi iba smartphone indang display tasazük ya 5.5-inch lir. Iba

phone tesülen aliba camera ya 23-megapixel aser tejaklen aliba camera ya 16-megapixel lir. Iba phone indang battery tashi ya 4,000mAh alitsü imlar, ta kasa osang ajanga ashi.

Kasa osang ajangasa ashiba agi, OnePlus 5 indang internal memory ya 64GB aser RAM ya 8GB alitsü. Iba phone indang chipset ya Qualcomm Snapdragon 835 lir.

Osang ka ajanga ashiba agi, iba phone ya 6GB RAM den 64GB ROM aser 8GB RAM den 128GB ROM nung angutsü. Kasa osang ajanga ashiba agi, 6GB RAM keta aliba OnePlus 5 smartphone ya sen 32,999 aser 8GB RAM keta aliba phone ya sen 37,999 agi angutsü.

Tang tashi nung OnePlus phone jenjang tasaktiba ya OnePlus 3T lir aser iba phone nung RAM ya 6GB aser internal storage ya 128GB lir.

Smartphone ajanga amshitetba Haier indang 4K-Curved TV sayaogo



June 09, 2017 (Agencies): aser iba TV rebrangertemi Electronic oset balala yangluba company, Haier ajanga 4K-curved television ana India nung sayaogo.

"LE55Q6500U" ya curved 4K UHD LED TV lir aser iba TV nung smart feature tem lir

noksa tajungba aser tejangjaba nung rebrangteter.

Iba TV nung ya Auto Volume Leveller (AVL) keta lir aser iba ajanga nisungtemi channel mesüra sentong melenba mapang ola

'fluctuation' mesüi rebrangtsü akoker.

Iba TV nung ya High Dynamic Range (HDR), DBX sound enhancement system aser smart functionality densema lir.

"Iba television ya brand indang omen nung aliba ama costumer tejangraba aser modern technology amshia yanglua lir aser iba ajanga nisungtemi TV rebrangdang experience balaka angur," ta Haier Appliances India nung tir,

Eric Braganza-i ashi. Haier indang "LE55Q9500U" LED TV nung ya 4K UHD resolution, HDMI aser Mobile Hi-Definition Link (MHL) keta lir aser iba ajanga nisungtemi smartphone ajanga iba TV den connect sütemtsü.

2017, June 17 nung India-Vietnam handshake concert ka alitsü

Kohima, June 09 (TYO): lemsatepogo. Iba concert ya Rattle & Hum Music Society Hanoi, Vietnam nung 2017, nungi züngsem 7-i tanü June 17 anogo alitsü.

Nagaland Chief Minister, Dr. Surhozelie Liezietsu, pa indang office champer nung ajurua India-Vietnam Handshake Concert indang sentongtem

Iba sentong ya India aser Vietnam tsüngta tesendaktep lia arur küm 45 ajungba bilemteta agitsü lir.

Iba handshake concert ya

Rattle & Hum Music Society aser Eclectic Northeast den külemi Ministry of DONER kübok North Eastern Council (NEC) teyari ajanga ayungzüka amongtsü, ta kettangser osang ka ajanga sangdong.



New Delhi, June 9 : Hokulbarnü New Delhi nung trok buba Healthcare Access Summit alidang Bollywood actress Manisha Koirala nem OPPI indang Director General, Kanchana Jain-i sempet agütsüba noksa nung angur.



New Delhi, June 9 : Hokulbarnü Rashtrapati Bhavan nung India tir, Pranab Mukherjee-i 'Selfie with Daughters' indang Mobile App ka sayatsüba mapang tangokba noksa nung angur.

NeGPA kübok Mobile Apps Development sentong ka Kohima nung agi

Kohima, June 09 (Agencies): National e-Governance Plan in Agriculture (NeGPA) kübok Mobile Apps yanglutsü sentong ka APC Conference hall nung 2017, June 07 anogo Parliamentary Secretary for Agriculture, Y.M. Yolow tongti tesemdanger süa lapoktsüogo.

Iba sentong nung APC aser Commissioner & Secretary, T. Imkonglemba Ao IAS, mendenbuba asü aser pai sentepa alir pelashishia agizükba den külemi NeGPA indang teratet lokdi dang rasa-a ashi.

Tongti tesemdanger-i NeGPA kübok Project for Development of Mobile Apps lapoktsü aser 2017, May 16 nung MOU ka zülutepba Department of Information Technology & Communication Agriculture & Allied department atema Mobile App pongu, committee ajanga bushiteta agütsüogo, ta ashi.

Technology nung renlokba ajanga asenok ajak anasatepa kümogo aser iba terenlok nung tajung aser tamajung keta lir,

anungji item Mobile App ajanga Agriculture & Allied department nung tajangzük angutsü lenmang bushitsüla, ta iba sentong nung tongti tesemdanger-i ajungshi.

Nagaland rongsenketsüng ya aluyimba nung ajemdaker lir aser lokdi balala yamaji aluyimba nung ajemdaker lir, aser technology tasentem amshia aluyimba ajanga yanglutetba aser adokdaksüba oset ajungkettsü aoshi Government of India-i NeGPA ajanga sentong balala bushir, ta Commissioner & Secretary ITS, Er. K.D. Vizo-ia ashi.

Department of Agriculture aser Information Technology & Communication tsüngta 2017, May 16 nung MOU zülutepba nung ajemdaker Mobile App pongu yanglutsü asoshi maparen tenzükogo, ta Er. K.D. Vizo-i shisem.

Iba sentong nung tepela o Director of Agriculture, Helie Rupre-o-i jembia. Iba sentong nung Agriculture & Allied department aser IT & C department nungi kettangsertem arua aden.



June 09, 2017 nū New Delhi nung aliba Jantar Mantar nung Buddhist monk tem aser kaketshirtemi Bangladesh nung tamangba lokti tilatem anema inyakba anema longkak aitba noksa nung angur.

India, Pak na Shanghai Cooperation Organisation züngsem kümogo

New Delhi, June 09

(Agencies): Hokolbarnü India aser Pakistan na Shanghai Cooperation Organisation (SCO) nung züngsem kümogo; tang mezüng China-i aniba telok ya ulushia linük ana züngoksemogo.

Iba telok nung India-a züngsem akumtsü atema Russia-i pusema liasü aser Pakistan-a iba telok nung züngsem akumtsü atema China-i pusema liasü.

SCO ya 2001 küm tenteta liasü, aser tang linük ana züngsemba ajanga alima nütsüng shilem 40 bo SCO linüktem nung lir aser item linüktem senteper GDP ji shilem 20 shi asütsü.

Joko SCO züngsem ka ama India-i kiralongra anema sademsadema jembia inyaktettsü, iba den külemi tesem nung security aser defence atema-a jembia

inyaktettsü. India aser Pakistan na iba telok nung züngsemsü atema küm ana tashi maparen inyaka aruba sülen tesüsa iba maparen tembanga linük ana SCO züngsem kümogo, aser iba osang sangdongdang SCO mendenbuba aser Kazakhstan Tir, Nursultan Nazarbayev-i, "India aser Pakistan na SCO nung züngsem tasen kümogo. Iba ya onok atema kanga tongtibang mapang ka lir," ta metetdaksü.

2015 küm July ita nung Russia, Ufa nung SCO senden alidang India-a iba telok nung züngsem akumtsü atema jembia liasü, aser iba mapang nungsa India aser Pakistan na nema züngsem agütsütsü atema bangjema liasü.

SCO ya 2001 küm Shanghai nung senden alidang Russia, China, Kyrgyz Republic, Kazakhstan, Tajikistan aser

Uzbekistan Tirtemi tenteta liasü.

Iba telok nung züngsem akumtsü atema yaküm Takshent nung SCO senden alidang India aser Pakistan napronglai Memorandum of Obligations (MoU) tezüngzüktep agia liasü.

Küm ishika tejaklen nungi tenzüka Russia-i India-a iba telok nung züngsem akumtsü atema nungita aru aser China-i Pakistan nungita aru.

China-i aniba SCO telok nung züngsem linüktemi Central Asia nung security dak sendakba onüktem nung rangloker inyaker.

SCO ya tongtibangsüa züngsem linüktem indang mitkartem tsüngda amalitepa inyakttsü atema lir.

Iba nungji intelligence osang lemsateptsü aser Central Asia nung amalitepa kiralongra anema raratsü densema lir.

Ayong tementiba tanabuba jenjang nung Ganga lir

New Delhi, June 09

(Agencies): India nung Hindu nunger atema kanga temeshi ayong, Ganga ya alima nung ayong tementiba tanabuba jenjang nung lir, aser küm shia iba ayong nung plastic ton 115,000 (seret lakh 1,150) indoker, ta tawa study tasen ka ajanga bushitetogo.

Dutch Foundation, The Ocean Cleanup nung research agirtemi molutzüyim (ocean) nung aliba plastic indoktsü atema technology tasen bushidar, aser parnoki bushitetba agi, küm shia tzüyim nung plastic 1.15-2.41 million tonnes shi indoker. Iba tetezü, molutzüyim nungi janaji indoktsü atema jana indokba truck 48,000 nungi 100,000 shi nüngdaksü.

Ayongtem nung indokba plastic temji molutzüyim nung atsüngdener.

Ano tzü lenmangtem menenba asadagra Asia linüktemi tamajungba menentsür.

Iba study ajanga ashiba agi, tzüyim menenba shilem asemsü

nungi shilem anasübo alima nung tementiba ayong 20 ajanga lir, aser item ayongji timbaka Asia nung lir.

Alima nung ayong talangtibatem jenjang asembuba nung China nung aliba Yangtze ayong lir, aser iba ayong ya alima nung tementiba ayong lir, ta bushitet. Iba ayong nung küm shia plastic ton 330,000 shi indokbaji East China Sea nung yimoker.

Yangtze ayong sülen tanabuba jenjang nung Ganga ayong lir. Iba sülen China nung aliba ayongtem- Xi, Dong aser Zhujiang; Indonesia nung aliba ayongtem- Brantas, Solo, Serayu aser Progo ayongtem lir.

India nunger nütsüng shilem 80 bo Hindu nunger lir, aser parnoki Ganga ayong ya külemer. 2007 küm nunga alima nung tementiba ayongtem jenjang 5buba nung Ganga ayong liasü.

Iba study ajanga bushitetba osang ya Nature Communications Journal nung adokja liasü.



Jaipur, June 09, 2017: Hokolbarnü Jaipur nung lokti atema inyaker, Poonam Chhabara-i Rajasthan nung yi meshimeshia nokdangtsü atema mapang telatetba makai lumia takhangba agütsütsü atema Shahid Smarak tesemi aodang police-i la pua Panch Batti Circle-i anir aoba noksa nung angur.

2019 election atema opposition party tem longjemmer: Sachin Pilot

Mumbai, June 09

(Agencies): Hokolbarnü Congress Party lenir tain, Sachin Pilot-i, 2019 küm Lok Sabha election nung BJP den tokteptsü atema opposition party temi Front ka tentettsü atema longjemtsü asoshi maparen inyakdar, ta metetdaksü.

Mumbai nung osangbenertem den jembidang Rajasthan unit Congress tongti Sachin-i, "Tang opposition party temi longjemtsü atema inyakdar,

kechiyong taruba general election nungbo BJP anema longjemmer tokteptsü nüngdak ta ajaki ratetogo. Parnoki (BJP) o kanga sangra-a jembir, saka mapabo meinyaker," ta metetdaksü.

Taoba mapang Union Minister, Sachin-isa BJP-i aniba NDA telokep nung dena aliba party, Shiv Sena aija, Uddhav Thackeray-i aniba party-i Maharashtra nung sorkar inyakyimtem aija arur, ajisüaka

parnoki sorkar tashi (BJP den teloktep) meraksaner, ta aitsü.

"Shiv Sena-i Centre aser state nung oshi ana nung jembir. Parnoki aluyimertem atema kanga aria bilemtsüra kechiba parnoki teloktep medoktsür," ta paisa ashi.

"Parnoki tazüngla nung dang amokmerener, saka sorkar tashibo medoktsür, kechiyong parnok kanga merumerur. Parnok merumerubaji ajaki tangu dang," ta Congress lenirisa ashi.

J&K, Uri nung kiralongrar 5 khaset

New Delhi, June 09

(Agencies): Hokolbarnü Jammu & Kashmir, Baramulla district kübok Uri sector nung aliba Line of Control (LoC) nung army temi arrtsü adena aittsü meranger kiralongrar pongu khasetogo.

Srinagar nung amenoka aliba Army otongdar, Rajesh Kalia-i, "Tanü nikongdang arrtsülen nungi kiralongrartemi iba tesem

(Uri Sector) adena aittsü merandang Uri nung aliba LoC nung mapa lemzüka alir sepaitemi angu. Army temi kiralongrartem dakji injang khaloktsü, aser parnokia army dak injang khaloktsü," ta metetdaksü.

Tesüiba ghonda 24 tsüngda kija nunga kiralongrartemi asemben tashi arrtsü adena aittsü merangogo, ta otongdarisa metetdaksü.

Iran-i India nunger angopur 25 chiokogo

New Delhi, June 09

(Agencies): Iran linüki India nunger angopur parnok 25 chiokogo, ta ni tepela nung sangdonger. Taküm March ita nung Iran nunger Coast Guards-i parnok den Bahrain nunger rong pongu pua liasü, ta yasüng India External Affairs Minister, Sushma Swaraj-i metetdaksü.

Angopurtemji Tamil Nadu nungi lir aser parnok Bahrain-i yokogo.

Yasüng Swaraj-i twitter ajanga, "Tamil Nadu nungi India

nunger angopur parnok 25 chiokogo, ta ni tepela nung sangdonger. Taküm March ita nung Iran nunger Coast Guards-i parnok den Bahrain nunger rong pongu pua liasü. Parnok chiokogo aser Bahrain-i odaktsüogo," ta metetdaksü.

India nunger angopurtem chioktsü atema meranga inyakba atema atema Minister-i Tehran nung aliba Indian Embassy nema tenüngsang agütsüogo.



Ranchi, June 09, 2017: Shiruru chiyungtsü atema senotsü nung ochimashiba ken o dak sendakba nung taoba Bihar Chief Minister aser Rastriya Janta Dal (RJD) tongti, Lalu Prasad tanü Ranchi nung aliba special CBI Court-i aruba noksa nung angur.

Baghdad nung pei sasa temang nung bomb inoker pokdaksüba lendong nung nisung 20 pokset

Hilla, June 09 (Agencies): Pei sasa temang nung bomb inoker pokdaksüba lendong ka Hokulbarnü Baghdad nung aliba Musayyib jila nung shishilembadak adalokba mapang nisung 20 pokset, ta osang ka ajanga ashi.

Iraq yimtiba, Baghdad nungi kilometre 60 bilar aliba Musayyib jila nung iba lendong ajanga yirur nisung 34 liasü, ta Musayyib nung ketdangser aser

police tanishir temi ashi. "Nisung kati pa-sasa temang nung bomb alenoker Musayyib shishilembadak pokdaksü aser iba mapang nisung 20 taküm sama," ta interior ministry indang odongtar-i ashi.

Musayyib mozüki nung aliba osang ka ajanga ashiba agi, iba lendong nung yirur aliba nisung pezü bo kanga mejungi lir.

Musayyib nung iba lendong

madalok tsüngta Karbala jila nunga kasa lendong akütsütsü merang saka takok mongutet, ta sorkar osang ka ajanga ashi.

Pei sasa temang nung bomb alenoker Karbala jila nung bus anendak tesem tulutiba nung apok aser iba mapang nisung pezü yiru, ta police temi ashi.

Iba lendong anaprong ya Islamic State (IS) jihadist temi agütsü, ta tenüng agiogo.

Iraq nung tawa IS teloki

nüburtem dak tenük yoker pei sasa temang nung bomb alenoker pokdaksüba lendong ter ben dak tali agüja arudagi aser Muslim nung temeshi ita, Ramadan nung mitkartem tali kümükümshia lir.

Ramadan tenzüker Iraq nung anogo eshika tsüngta IS temi lendong agütsüba nung nisung 40 dak tali taküm samaogo.


Taoba küm Ramadan mapang IS

temi Iraq yimtiba, Baghdad nung bomb bona aliba truck ka bokdaksüba ajanga shishilembabaki ana rongdok aser iba lendong nung nisung 320 taküm sama-a liasü.

IS temi amokbanga aliba tesem, Mosul yimti ya tanaben Iraq mitkartemi agitsü merangba mapang iba lendong agütsü.

Mosul nung Iraq mitkar aser IS telok tsüngta rara tenzüker ita ti tajunger dang lir.

MAPA INYAKDAK Tetsürtem taküm Kümzüka Ayutsü Inyakba Mapatem



Mapa inyakdak tetsüba tarendak melii akümba ajanga tetsür aikati mapa inyakdak shilem agitetter, aser iba jagi parnok rongsenren jenjang tajungba akümer aser maparen ajak nung tajungba aiener.

The Sexual Harassment of Women at Work place (Prevention, Prohibition and Redressal) Act, 2013 nung shia aliba ama mapa kiburi "Internal Complaints Committee" ("ICC") ka shimtsüla aser Government-ia district level nung 'Local Complaints Committee' ("LCC") ka shimtsüla aser item jagi mapa inyakdak tetsür dak tim mesüi beshiba ken o kar danga arura itemji mapang tatakzük ka nung atemtsüsa bushisüngdang mapa inyaktsüla.

Sexual Harassment ya kechisa ?

- Tetsür dang shi azü jangraba yimya sayua beshiba (ibaji indangindanga inyakba asütsüa akok mesüra yimya agi sayuba asütsüa akok.), kazütsü asüngdangba mesüra mepishiba, shi azü jangraba yimya agi sayuba, noksa tamajung sayuba, aser mapa mesüra o agi shi azü jangraba mapa inyaknüa beshiba.
- Mapa nung tetsür sadema meinyaktetsüsa teyari agütsütsü nangzükba, mapa meinyaktetsüsa timtemdaksüba, tang teinyakdak aser tarutsü mapa asoshi amokmerenba, mapa nung meinperongba, mapa meinyaktetsüsa timtem agüja tsübudaksüba aser maksüdaksütsüsa beshiba.

Mapa inyakdak ya kechi ?

- Government bodies, private and public sector organisations, non-Governmental organisations, organisations carrying on commercial, vocational, educational, entertainment, industrial, financial activities, hospitals and nursing homes, educational institutes, sports institutions and stadiums used for training individuals.
- Places visited by employees during the course of employment or for reasons arising out of employment - including transportation provided by the employer for the purpose of commuting to and from the place of employment.
- A dwelling place or a house.
- An enterprise (owned by individuals or self-employed workers) where the number of workers is less than ten.

Mapa Kiburtemi inyaktsüba Mapatem :

- Mapa inyakdak tetsüba melii inyaktsüsa tensa tia yanglutsütsüla
- Tetsürtem dak tim mesüi beshiba ajanga ozüngi merenshütsüba indang aser Internal Complaints Committee shimba indang mapa inyakdak ajaki angutsüba tesem nung zülua yutsütsüla.
- Mapa inyakdak inyakertem nem tangatetba agüja mapang mapang shia shisatokden sentong ayongzuka ozung nung aliba onüktem benoka jembitsüla Internal Complaints Committee nung alirtem nem tangatetba agütsüba sentong agitsüla.
- Mapa inyakdak tetsürtem dak timi mesüi beshibaji mapa nung meshidaki inyaka ama service rules nung züngshitsüla.

Mapang tadakzük :

- Timtem ataloker ita 3 tsüngda timtem ajurula tetsürlai tezüluba nung complaint agütsütsüla
- Iba bushisüngdangba mapaji anogo 90 tsüngda atemtsüla.
- Bushisüngdangba mapa temer anogo 10 tsüngda bushisüngdangba osangji agütsütsüla.
- Iba bushisüngdangba osangji agizüker külen anogo 60 tsüngda mapa kiburi committee agütsüba osangji mapa kuma inyaktsüla.
- Committee-i lemteba anema ken o agütsünüra, parnoki osang agütsüba anogo sülen anogo 90 tsüngda agütsütsü melatsü.

INDIAN PENAL CODE, 1860 KUBOK TETSUR ANEMA INYAKBA ASOSHI TEMERENSHITEM

Section IPC	Aibelenba	Temerenshi	Bailable/ Non-Bailable
354	Tetsür anema parnok mak asütsüsa teka sangshiba aser tashiyim agi inyakba	Küm ka tepuokdak ayutsü mesüra senchi den küm pongo tashi atsülangtsü akok.	Cognizable aser Non Bailable
354A	Shi azü jangraba yimya sayua beshiba (ibaji indangindanga inyakba asütsüa akok mesüra yimya agi sayuba asütsüa akok.), kazütsü asüngdangba mesüra mepishiba, shi azü jangraba yimya agi sayuba, noksa tamajung sayuba, aser shi azü jangraba mapa inyaknüa beshiba.	Küm asem tashi tepuokdak ayutsü mesüra senchi achitsü mesüra temerenshi anaprongla agütsütsü. Küm ka tashi tepuokdak ayutsü, mesüra senchi achitsü mesüra temerenshi anaprongla agütsütsü.	Cognizable aser Bailable Cognizable aser Bailable



**GOVERNMENT OF NAGALAND
DIRECTORATE OF EMPLOYMENT, SKILL DEVELOPMENT &
ENTREPRENEURSHIP
NAGALAND : KOHIMA
ADVERTISEMENT**

Dated Kohima, the 2nd June 2017

NO.DET-2/14/2001(Pt.1) : The Directorate of Employment, Skill Development & Entrepreneurship in Technical Association with Emporium Training & Consultancy Pvt. Ltd. Announces Recruitment Drive for **IndiGo Airlines**.

Vacancies open for : Cabin Crew (only Female), Airport Operations & Customer Service Officers (Male/Female).

Interview Dates:

Kohima : 19th & 20th June 2017

Venue : Multipurpose Hall, Directorate of Employment, Skill Development & Entrepreneurship, High School Road, Kohima

Time : 10 AM onwards

Dimapur : 21st & 22nd June 2017

Symbios Creation Pvt. Ltd., IT Complex, (Opposite Town Hall), Nagarjan junction, Dimapur

Time : 10 AM onwards

Eligibility Criteria's

Cabin Crew:

- Female Indian Nationals, with Indian Passport, between 18-27 years age
- Passed 10+2, from a recognized Board or University
- Fluency & clarity of speech in both English & Hindi
- Height: Minimum 155 cms, with proportionate weight, as per BMI
- Clear skin, positive body language and well groomed. No visible scars or tattoo

Airport Operations and Customer Service Officer :

- Male & Female Indian Nationals can apply, between 18-27 years age
- Fluency & clarity of speech in both English & Hindi
- Positive body language and well groomed. No visible scars or tattoo
- Any Graduate from a recognized University or body

Candidates are requested to submit the following to the undersigned : Two copies of resume, 4 passport size photos, 2 full length photos, Passport & other Photo ID proof Employment Exchange Registration Card alongwith all educational documents as mentioned in the eligibility criteria's.

Last date of submission of application : Kohima : 16th June 2017
Dimapur : 17th June 2017

For information & clarification :

Contact No. : (1) 09830051555 (Emporium Training)
(2) 9436062368 (State Govt.)

(MUTHINGNYUBA SANGTAM)

Director,

**Employment, Skill Development & Entrepreneurship,
Nagaland, Kohima**

Issued by: DIPR

KANGA PELAR

Alongkima Town Students Union Library Hall Construction kimong atutsü asoshi **MLA Dr. Longrineken Chairman NBRM & DAN aser NPF Alongkima Unit-i** Rongsen aser nebu teyari agüja mapa takok ngua tembangtetba asoshi Alongkima Town Students Union-i kanga pelaba sangdonger.

**Sd/-
IMLINUKSHI
President, ATSU**

**Sd/-
SENTIKOKLA
Secretary, ATSU**

TEPELA SANGDONGER

24th May - 04th June 2017 Medical & Detoxification Camp Kinunger Village, Mokochung nung alidang, kija aser lokti tentet kwikati nüpo, rongsen aser sarasadem nung nungit-a yariogo, nenok ajak dang kanga pelaba metetdaksür.

Talisa,

a. Counselor : (i) Mr. Kilang Imsong (Unger/Tulli)
(ii) Mr. Imlisungkum Jamir (Longsa/Kma)

b. Medical Team: Rev. Dr. Kali Bahadur Karki
Director Loving God Ministry Dimapur.

c. Speaker : Rev. Teyong Kichu Missionary Dmr

d. Sen-O-Tsü Tenlartem :

- | | |
|---|-----------------------|
| 1. Mr & Mrs. Imtilepten M/Chukit Dmr | Rs.10,500/- |
| 2. Mr & Mrs.Punarepba Kinunger Dmr | Rs. 3000/- |
| 3. Mr & Mrs. Imkongchuba Kinunger Dmr | Rs. 3,200/- |
| 4. Mr & Mrs. Temjensoba Changki Ghy | Rs. 5000/- |
| 5. Miss. Apokla Longchar Khensa Kma | Rs. 2000/- |
| 6. Mr & Mrs. Bendang LKR C/Yimlang Dmr | Rs. 5000/- |
| 7. Mr & Mrs. Tsüknungtoshi CTN Dmr | Rs. 6,100/- |
| 8. Mr & Mrs. Martoshi CTN Dmr | Rs. 3000/- |
| 9. Mr & Mrs. Imkongnükba CTN Dmr | Rs. 2000/- |
| 10.Mr. & Mrs. Mangliyangba Kinunger Dmr | Rs. 2000/- |
| 11.Mr. & Mrs. Taliwapang Kinunger Dmr | Rs. 1000/- |
| 12.Mr & Mrs. Akok Sair Kinunger Dmr | Rs. 10,000/- |
| 13.Mrs. Lanusangla Mekuli Dmr | Rs. 3,200/- |
| 14.Mr & Mrs. Bendagmeren Lirmen Dmr | Rs. 5000/- |
| 15.Mr & Mrs. Limatangit Ungma Dmr | Rs. 11,000/- |
| 16.Mr & Mrs. Imliyanger Mekuli Chumu | Rs. 2000 & Rice 50 kg |
| 17.Mr & Mrs. Bendangtemsu Ungma Dmr | Rs. 3000/- |
| 18.Dr & Mrs. Pangertoshi Mekuli Dmr | Rs. 3000/- |
| 19.Mr & Mrs. Yapangzulu Sungratsü Dmr | Rs. 2000/- |
| 20.Mrs. Arenla Jamir M/Yimsen Dmr | Rs. 2000/- |
| 21.Mrs. Angangla Jamir M/Yimsen Dmr | Rs. 3,300/- |
| 22.Miss. K. Limasenla Changki Mangkolemba | Rs. 1500/- |
| 23.Miss. K. Temsuinla Changki Chungtia Yimsen | Rs. 1500/- |
| 24.Mr & Mrs. Meridong Kinunger Vill. | Rs. 5000/- |
| 25.Mrs. Limakumla Kinunger MKG | Rs. 2400/- |
| 26.Dr. Bendangwati Mekuli MKG | Rs. 5000/- |
| 27.Mr. & Mrs. Tiakaba Kinunger MKG | Rs. 3000/- |
| 28.Mr. & Mrs. T. Medem Imchen Aliba MKG | Rs. 2000/- |
| 29.Mrs. Temjensola Kinunger MKG | Rs. 2000/- |
| 30.Mrs. Alikala Kinunger MKG | Rs. 500/- |
| 31.Mr. & Mrs. Takuyaba Advocate Kinunger MKG | Rs. 5000/- |
| 32.Mr. & Mrs. Akangtemjen Kinunger MKG | Rs. 10,000/- |
| 33.Mr. & Mrs. N. Temsukaba Kinunger MKG | Rs. 500/- |
| 34.Mr & Mrs. Watisangba Kinunger MKG | Rs. 200/- |
| 35.Mr. & Mrs. Takosungba Kinunger MKG | Rs. 3000/- |
| 36.Mr. & Mrs. Imjungwati Kinunger MKG | Rs. 3000/- |
| 37.Mrs. Chubatola Kinunger MKG | Rs. 500/- |
| 38.Mr. & Mrs. Imlisungkum Jamir Longsa KMA | Rs. 10,000/- |
| 39.Mr & Mrs. Talimeren Kinunger KMA | Rs. 1000/- |
| 40. Kinunger Baptist Church | Rs. 5000 & Rice 50 kg |
| 41.Govt. Primary School Teachers Kinunger | Rs. 2000/- |
| 42.MKG Town Kinunger Arogotsür | Rs. 5000/- |

Teyanglur Tsüngremi nenok ajak maneni mojangma.

**Tayonger
Mr. & Mrs. Aienla Tia
Signal, Dimapur**

**ELITE HEALTHCARE TRAINING INSTITUTE
Dimapur - 797112, Nagaland
ADMISSIONS GOING ON**

Courses offered	Eligibility	Duration
FHW (Female Health Worker) ANM	10 th Passed	2 Years
DHAL/ Nursing Assistant	8 th Passed	1 Year
CENTRE-I		CENTRE-II
Dhobinallah Culvert, Near ICICI Bank.		4th Mile Near Agri Expo Junction
M.No: 9856125245/ 9615694009		M.No: 8974507931/ 9862639134
(Hostel facility available)		



**OFFICE OF THE
DIMAPUR CHANGTONGYA FELLOWSHIP
Dimapur - 797112, Nagaland
Nükjidong : Tabensaba Dangi
METETDAKTSÜR**

Dimapur Changtongya Fellowship 11th June 2017
Tesentepdak tesem, calendar nung agüja aliba ama masü, saka
DABA Duncan Multipurpose Hall nung alitsü metetdaksür.

**Mrs. SHILUNUNGLA Mrs. PURSENLA
Fellowship Incharge**



सत्यमेव जयते

**OFFICE OF THE CHIEF ELECTORAL OFFICER
NAGALAND, KOHIMA**

E-mail: ceo_nagaland@eci.gov.in / Fax- 0370- 2290460

NO. ELE-SVEEP-GEN/19/2017/251

Dated : 7th June 2017

ORDER

Whereas, **Article 326 of the Constitution of India** grants Universal Adult Suffrage to every eligible Indian citizen.

And whereas, **Rule 39 of The Conduct of Elections 1961** directs to maintain secrecy of vote by electors.

And whereas, **Section 135A of Representation of the People Act 1951 on 'Offence of Booth Capturing'** provides- Whoever commits an offence of booth capturing shall be punishable with imprisonment for a term which shall not be less than one year but which may extend to three years and with fine.

And whereas, open declaration of support in favour of a particular candidate / political party by a village / ward / khel or community through public announcement and even through publication in electronic / print media etc violates the above provisions.

Now, therefore, it is reiterated that if any village or ward or community or group of people or media house is found violating or defying the said provisions in connection with any future elections, appropriate legal action shall be initiated against the violator (s) in the interest of free, fair, transparent election and administering social order.

**(PANKAJ KUMKAR) IAS,
Chief Secretary**

to the Government of Nagaland.

Issued by: DIPR

Mkg D.C bungalow kima süngkong... (Tapak 1 nungi...)

Kasa sentong nung Ao süngkong ya talang nung saklep mapa tajungtemji Senden tir Wb. Imliyanger (ft) 25 aser tenari nung saklep mesamadaktsü tarutsü lanu putu Jamiria mapang tatsüka 8 shi lir. Iba aou (hollock) süng nem nüngo ama wazüka yutsütsü agidang, tanü joko yimtsüng aika ya minkong arem nungi lenzüka nükjidong nung yangluba lir, ta nung süngkong ya mali, iyongji bener aru aser ibai ita ka shi agia Dobashi-temisa ashi. lanur aikati iba ya mangu aser chitet, iba mapa inyakdang nübu Akhidang asen tsürabur iba indang ya memetet, iba ama 105 shi atsük aser sen 1.6 lakh mapang süngkong yagi osangtsüsang tapu balala tia ka nung alidang Dobashi- kati osangbenertem den sangokja liasü. Lendongtsüdong süngkong yangluba ajanga jembidang ashi. aser benjongbentsü balala nung tarutsü putu asoshi lenmang Iba süngkong ya tongtibangsa iba ya atem, süngkong atemba aisü nung tajangzük angutsü külemkijatsü atema yangluba ya yimya tapu balala lir aser iba imlar, ta ashi. masü saka akhi asen nung ya tetezü aika keta lir, ta D.C Bungalow nung aliba tsüraburtemi benshia aruba parnokisa shisem.

AIFF Award mezüng agütsüba nung Jeje aser Khalid Jamil nati sempet agizük



Khalid Jamil



Jeje Lalpekhlu

June 09, 2017 (Agencies): All India Football Federation indang mezüngbuba sempet agütsüba sentong nung India aser Mohun Bagan nungi football asayar, Jeje Lalpekhlu nem 2016 Player of the Year sempet agütsü.

India national team, coach Stephen Constantine aser AIFF tir, Praful Patel, general secretary, Kushal Das aser senior vice president, Subrata Dutta nunger arua aliba sentong nung Lalpekhlu-i iba sempet ya agizük.

Sasmita Malik nem 2016 AIFF Women's Player of the Year sempet agütsü.

India nunger nungtugu football asayar, Sunil Chettri, shibai asaya 93 nung goal 53 agütsütet, pa nem Special Award agütsü.

"India nunger football nung taküm ya jungkai adokba küm ka amai lir, kechiasür anogo 100 mejungi lia India nung FIFA U-17 World Cup ayongzüksü renemba mapang ka lir. Ministry of Sports-i Union

Government ajanga yariba aser lenmang sayuba ajanga FIFA U-17 World Cup tajungtiba mungtettsü imlar," ta Patel-i iba sempet agütsüba sentong nung jembidang ashi.

"Sempet angur ajunga den kü tepela lemsateper aser nünok dak aliba sempet tajungtiba amshia linük nung football asaya nung terenlok alitsü aser tarutsü nung iba dang sempet tulutiba angutsü imla atar," ta pai-sa shisem.

AIFF Award angurtem yamai alitsü:

- 2016 AIFF Best Grassroots Program of the Year: Punjab
- Best Home-match Organiser of Hero I-League 2016-17: DSK Shivajians & Bengaluru FC
- Hero I-League Fairplay Award 2016-17: Churchill Brothers FC Goa
- 2016 AIFF Assistant Referee of the Year: Joseph Tony
- 2016 AIFF Referee of the Year: Pranjal Banerjee
- Long-time Contribution to Indian Football: Nike
- Best Emerging Player of Hero I-League 2016-17: Jerry Lalrinzuala (DSK Shivajians)

- Best Goalkeeper of Hero I-League 2016-17: Debjit Majumder (Mohun Bagan)
- Jarnail Singh Best Defender of Hero I-League 2016-17: Anas Edathodika (Mohun Bagan)
- Best Midfielder of Hero I-League 2016-17: Alfred Kemah Jaryan (Aizawl FC)
- Best Striker of Hero I-League 2016-17: Aser Pierric Dipanda Dicka (Shillong Lajong FC)
- Highest Scorer of Hero I-League 2016-17: Aser Pierric Dipanda Dicka (Shillong Lajong FC)
- Syed Abdul Rahim Award for Best Coach in Hero I-League 2016-17: Khalid Jamil (Aizawl FC)
- Hero of I-League 2016-17: Sunil Chhetri (Bengaluru FC).
- 2016 Special Award for being the First Indian Club to play in AFC Cup Final: JSW Bengaluru FC
- 2016 Special Recognition Award of the Year: Uvena Fernandes
- 2016 Special Recognition Award of the Year: Gurpreet Singh Sandhu
- 2016 Emerging Woman Player of the Year: Sanju
- 2016 AIFF Emerging Player of the Year: Rowllin Borges
- 2016 AIFF Woman Player of the Year: Sasmita Malik
- 2016 AIFF Player of the Year: Jeje Lalpekhlu.

Aizawl nungi Suzuki Gixxer Cupnungshilem agitsü atema MiMSA-i shimtsü



Aizawl, June 09 (Agencies): Mizoram nung kaketshir aser lokti balala-i longkak aitba ajanga JK Tyre indang Suzuki Gixxer Cup nung shilem agitsüpur shimtsü asoshi Aizawl leg ya JK Tyres & Industries-i Mizoram Motorsports Association (MiMSA) nem agütsüogo.

Iba osang ya JK Motorsports ajanga Hokulbarnü sangdong aser Suzuki Gixxer Cup nung shilem agitsüpur shimba sentong nung amshitsü osettsüset ya 'international safety guidelines' nung ajemdaker renem saka item oset ya mapang shidak nung iba tesem metongtettsü, ta parnokisa shisem.

"Onoki mazüoktettsüsa densa-i bena arutsüba ajanga Aizawl selection toktsütsüsa akümba sasa bilemer. Iba

sentong nung shilem agirtem kümzüka tajungtiba nung shilem agidakttsü atema oset bener aruba ya Aizawl nungi kilometre 100 dang orr aliba Kolasib tesem NH 54 nung anogo pezü buba soita yua lir. JK-i motor sports initiatives nung shilem agir ka kümzüka ayutsü atema yimya tajungtiba amshir, onok inyakttsü kicha mali saka iba round doktsütsüba dang adoker," ta JK Motorsports tekolakba, Sanjay Sharma-i osangbener dang ashi.

Saka National Championship nung Northeast nungi biker tem shilem agitsü asoshi maongka mesamadakttsüi parnok shimba sendong ya renema aliba ama agitsü, ta Sanjay-i shisem.

"MiMSA-i par club ajanga shimtsü sentong ya kasa anogo kasa tesem nung agitsü renema lir. June 10 nung iba shimba

sentong nung shilem agitsü asoshi onok nem tenüng agüja alirtem nem-a yimli agüja parnok shimba sentong nung shilem agidakttsü asoshi onoki mepeshiogo," ta pai-sa ashi.

Taruba ita tetenzüklen Coimbatore nung JK Motorsport indang training camp aser final selection round nung shilem agitsü asoshi teshiemtet biker ajunga JK Motorsport-i jaoka lir.

"Northeast nungi biker tem nem maongka agüja onok indang taruba selection round, Pune (June 18) mesüra Delhi (June 25) nung arua tajungtiba agi shilem agitettsü. National Championship nung India tesem balala nungi arua shilem agitsü asoshi tejangrar nem maongka sadema lapokja lir," ta Sharma-isa ashi.

2017 French Open final-i Wawrinka aser Halep-na iogo

Paris, June 09 (Agencies): 2017 French Open teburtem kija tennis asaya Hokulbarnü semifinal asayaba nung Stan Wawrinka-i Andy Murray madak 6-7(6), 6-3, 5-7, 7-6(3), aser 6-1 agi takok ngua final-i iogo.


Tebur tennis asayar rongnung World No. 1, Andy Murray-i taoba küm semi-final nung Wawrinka tsükdakttsüba mang yanga tanü semi-final asaya nung 87 winners nguteta küm 44 tsüngta French Open final asayar rongnung pa tambutisang kümogo.

Tena tsüngta tanü ghonda pezü-sür minute 34 asayaba nung Wawrinka-i yokba ball ajunga Murray-i agizükteta asaya, saka Warwinka-i pezübuba set akokba sülen tatembangbuba set nung Murray tashi lula aküm aser iba maongka Wawrinka-i kanga junga agiteta asaya tembang.

2017 French Open tetsür tennis kija asaya Brehostibanü monur semi-final asayaba nung Simona Halep-i Karolina Pliskova madak 6-4, 3-6, 6-3 agi takok ngua French Open final-i



Wawrinka



Halep

la taneben buba iogo.

2014 küm French Open nung runner-up jenjang ngutetla, Halep-i taküm final nung Latvia tsür Jelena Ostapenko kokra, la tetsürtem rongnung World No. 1 akümtsü.

Tang World No. 3, Halep-i tain asayamong nung takok ngura, Romania tsür rongnungi iba asayamong akoker tanabuba akümtsü. Iba asayamong ya Romania tsür, Virginia Ruzici-i 1978 küm akokba dak alaka iba linük nungi tetsür shingai koka mali.

NSCN-K tanishir SS Khaplang... (TAPAK 1 NUNGI...)

1980 küm pa den külemi Thuingaleng Muivah nati Naga National Council (NNC) toktsü aser National Socialist Council of Nagaland (NSCN) tentet. Ajsüaaka, mangatettep kar ajanga 1988 nung NSCN telok ana küma lemsa aser ka SS Khaplang lenisüba kübok NSCN-K aser ka asür Isak Chishi Swu (chairman) aser Thuingaleng Muivah (general secretary) na lenisüba kübok NSCN-IM ta tentet.

2000 küm NSCN-K-i India sorkar den Naga yimten tebilemtsü angatetteptsü

teimla nung ceasefire alitsü tenangzüka agitep saka April 2015 nung parnokii ceasefire agien.

Iba sülen NSCN-K aser Indian army tsüngda pezüben tashi rara tesashi raraogo. Manipur kübok Chandel district nung 6 Dogra Regiment Convoy ka amakdang sepai 20 tashi kaset aser iba tatalokba sülen India sorkari NSCN-K telok nokdang.

Osang angazükba sülen SS Khaplang asüba sülen Khango Konyak-i NSCN-K Chairman inyakttsü mapa melenzüka.

DUP teyari agia... (TAPAK 1 NUNGI...)

Britain Chubatsür den ajurutepa minute 25 senden amenba sülen, Downing Street nung May-i osangbenertem dang, DUP medemertem den külemi lai Brexit atema inyakttsü.

"Iba ama tensa tongtipang ka nung onoki sorkar tajung ka kümteptsü aser Britain len anitsü" ta laisa ashi.

"DUP den tesentaktep tajung lir aser sorkar tasenba jagi anogo 10 dang lir tenzüksü aliba Brexit olemtep nung linük len anir aotsü. Küm aika onok telok ana tesentaktep tajung nungdang arur aser onok külemi sür United Kingdom ajunga atema inyaktettsü ta amanger" ta laisa shisem.

"Ni takok tajung ngunüa liasü saka iba amaji matalok.

Elections nung tamakok anguba candidate tema atema ni sasa bilemer. Asen linük asoshi bendanga agüja mapa tajung inyakba MPs aser ministers, shirnok pei pei menden nung tamakok nguogo, nenok tamakok atema ni kanga sasar" ta May-isa metetdakttsü.

Külen, DUP lennir Arlene Foster-ia osangbener dang, lai Theresa May den ajurutepa jembioogo aser linük asoshi mapa inyaka aotsü atema tebilembatem lemsatepogo, ta ashi.

DUP-i Northern Ireland aser idakji aliba nisungtem taginüba atema inyaker saka kasa mapang nung onoki UK atema tajungtiba bilema inyaker, ta Arlene Foster-isa metetdakttsü.

BIEMDANGANG
"Taküm kaket nung telangzübaji tesülen mali".